



170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

L40-4514

丁巳之產請大藏及有
家書置武州華臺山
我微笑塔院直府中未
為學者不敢許出院內
當山二心鐵牛機護謹



B 64853

五家語錄

雲門宗

門人明識大師守堅集

無地地主人郭凝之訂

韶州雲門匡真文偃禪師

師諱文偃浙西嘉興張氏子幼依空王寺志澄律師
出家稟具探窮律部初參睦州蹤禪師睦州纔見師
來便閉却門師乃扣門睦州云誰師云某甲睦州云
作什麼師云已事未明乞師指示睦州開門一見便
閉却師如是連三日去扣門至第三日睦州始開門
師乃捲入睦州便擒住云道道師擬議睦州拓開云

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

泰時輒輶鑽遂掩門損師一足師從此悟入睦州指見雪峰師到雪峰莊見一僧師問上座今日上山去那僧云是師云寄一則因緣問堂頭和尚祇是不得道是別人語僧云得師云上座到山中見和尚上堂衆纔集便出握腕立地云這老漢項上鐵枷何不脫却其僧一依師教雪峰見這僧與麼道便下座攔胷把住其僧云速道速道僧無對雪峰拓開云不是汝語僧云是某甲語雪峰云侍者將繩棒來僧云不是某語是莊上一浙中上座教某甲來道雪峰云大眾去莊上迎故五百人善知識來師次日上山雪峰纔

見便云因什麼得到與麼地師乃低頭從茲契合溫研積稔密以宗印授焉師出嶺徧謁諸方覈窮殊軌鋒辯險絕世所盛聞後抵靈樹冥符知聖禪師接首座之說初知聖住靈樹二十年不請首座常云我首座生也我首座牧牛也我首座行脚也一日令擊鐘三門外接首座衆出迓師果至直請入首座寮解包裹廣主劉王將興兵就知聖決可否知聖前知之手封奩子語侍者云王來出以示之於是怡然坐矮王果至聞知聖已化大驚問何時有疾而遽亡耶侍者乃出奩子如知聖所誠呈之王怒奩得簡云人天眼

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

目堂中上座劉乃命州牧何承範請師繼其法席又迎至府開法俄遷止雲門光泰寺天下學者望風而至於是稱雲門宗焉

機緣

師在雪峰時有僧問雪峰如何是觸目不會道運足焉知路雪峰云蒼天蒼天僧不明遂問師蒼天意旨如何師云三斤麻一疋布僧云不會師云更奉三尺

竹後雪峰聞喜云我常疑箇布衲

師行脚時見一座主舉在天台國清寺齋時雪峰拈鉢孟問某道得卽與鉢孟某云此是化佛邊事雪

峰云你作座主奴也未得某云不會雪峰云爾問我與爾道某始禮拜雪峰便踢倒某得七年方見師云是爾得七年方見座主云是師云更與七年始得師在浙中蘊和尚會裏一日因喫茶次舉蘊和尚垂語云見聞覺知是法法離見聞覺知作麼生有傍僧云見定如今目前一切見聞覺知是法法亦不可得師拍手一下蘊乃舉頭師云猶欠一著在蘊云我到這裏却不會

師到共相問什麼處來師云雪嶺來共相云要急言句舉一則來師云前日典座來和尚何不問他

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

共相云典座且置師云箭過新羅

師在嶺中時問臥龍和尚明已底人還見有已麼臥龍云不見有已始明得已又問長連床上學得底是第幾機臥龍云第二機師云作麼生是第一機臥龍

云緊峭草鞋

師在嶺中時有僧問如何是法身向上事師云向上與爾道卽不難汝喚什麼作法身僧云請和尚鑒師云鑒卽且置作麼生說法身僧云與麼與麼師云此是長連牀上學得底我且問爾法身還解喫飯麼僧無語後有僧舉似梁家菴主菴主云雲門直得入泥

入水資福云欠一粒也得剩一粒也不得

師在雪峰與長慶西院商量雪峰上堂云盡大地撮來如粟米粒大拋向面前漆桶不會打鼓普請看西院問師雪峰與麼道還有出頭不得處師云有西院云作麼生是出頭不得處師云不可總作野狐精見解也又云狼籍不少又云七曜麗天又云南閻浮提北鬱單越

師一日與長慶舉趙州無賓主話雪峰當時與一踢作麼生師云某甲不與麼長慶云爾作麼生師云石橋在向北

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

正傳詩錄

師與長慶舉石輩接三平話師云作麼生道免得石輩喚作半箇聖人長慶云若不還價爭辨真僞師云入水見長人

師到洞巖洞巖問作什麼來師云親近來洞巖云亂走作什麼師云暫時不在洞巖云知過卽得師云和尚亂走作什麼

師到踈山踈山問得力處道將一句來師云請和尚高聲問踈山便高聲問師云和尚蚤朝喫粥麼踈山云作麼生不喫粥師云亂叫喚作麼又因踈山示衆云老僧咸通年已前會得法身邊事咸通年已後會

得法身向上事師問承聞和尚咸通年已前會得法身邊事咸通年已後會得法身向上事是不踈山云是師云如何是法身邊事踈山云枯椿師云如何是法身向上事踈山云非枯椿師云還許學人說道理也無踈山云許爾說師云枯椿豈不是明法身邊事非枯椿豈不是明法身向上事踈山云是師云法身還該一切不踈山云作麼生不該師指淨瓶云法身還該這箇麼踈山云閻黎莫向淨瓶邊會師便禮拜師到曹山曹山示衆云諸方盡把格則何不與他道一轉語教伊莫疑去師便問密窓處爲什麼不知有

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述 五家詩錄

曹山云祇爲密密所以不知有師云此人作麼生親近曹山云不向密密處師云不向密密處還得親近也無曹山云始得親近師應諾諾師問曹山如何是沙門行曹山云喫常住苗稼者師云便與麼去時如何曹山云你還畜得麼師云學人畜得曹山云你作麼生畜師云著衣喫飯有什麼難曹山云何不道披毛戴角師便禮拜

因玳長老舉菩薩手中執赤幡問師作麼生師云你是無禮漢玳云作麼生無禮師云是你外道奴也作不得

師到天童天童云你還定當得麼師云和尚道什麼天童云不會卽目前包裹師云會卽目前包裹

因見信州鶯湖上堂云莫道未了底人長時浮逼逼地設使了得底人明得知有去處尚乃浮逼逼地師下來舉此語問首座適來和尚示衆云未了底人浮逼逼地了得底人浮逼逼地意作麼生首座云浮逼逼地師云首座在此久住頭白齒黃作這箇語話首座云未審上座又作麼生師云要道卽得見卽便見若不見莫亂道首座云祇如堂頭道浮逼逼地又作麼生師云頭上著枷脚下著杻首座云與麼則無佛

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

法也師云此是文殊普賢大人境界

師行脚時有官人問還有定乾坤底句麼師云蘇嚕

蘇嚕悉哩薩訶

師到江州有陳尚書請師齋相見便問儒書中卽不
問三乘十二分教自有座主作麼生是衲僧行脚事
師云曾問幾人來尚書云卽今問上座師云卽今且
置作麼生是教意尚書云黃卷赤軸師云這箇是文
字語言作麼生是教意尚書云口欲談而辭喪心欲
緣而慮忘師云口欲談而辭喪爲對有言心欲緣而
慮忘爲對妄想作麼生是教意尚書無語師云見說

尚書看法華經是否尚書云是師云經中道一切治
生產業皆與實相不相違背且道非非想天有幾人
退位尚書無語師云尚書且莫草草十經五論師僧
拋却特入叢林十年二十年尚不奈何尚書又爭得
會尚書禮拜云某甲罪過

師到歸宗僧問大眾雲集合談何事歸宗云兩兩三
三僧云不會歸宗云三三兩兩師却問其僧歸宗意
旨如何僧云全體與麼來師云上座曾到潭州龍牙
麼僧云曾到來師云打野樞漢

師因乾峰上堂云法身有三種病二種光須是一一

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

透得更須知有照用臨時向上一竅在乾峰乃良久
師便出問菴內人爲什麼不見菴外事乾峰呵呵大
笑師云猶是學人疑處在乾峰云子是什麼心行師
云也要和尚相委乾峰云直須與麼始解穩坐地師
應諾諾乾峰示衆云舉一不得舉二放過一著落在
第二師出衆云昨日有人從天台來却往徑山去乾
峰云典座來日不得普請便下座師問乾峰請師答
話乾峰云到老僧也未師云與麼則學人在遲也乾
峰云與麼那與麼那師云將謂猴白更有猴黑
師到灌溪時有僧舉灌溪語云十方無壁落四面亦

無門淨裸裸赤灑灑沒可把問師作麼生師云與麼
道卽易也大難出僧云上座不肖和尚與麼道那師
云你適來與麼舉那僧云是師云你驢年夢見灌溪
麼僧云某甲話在師云我問你十方無壁落四面亦
無門淨裸裸赤灑灑沒可把你道大梵天王與帝釋
商量箇什麼事僧云豈干他事師喝云逐隊喫飯漢
陳尚書問雲居供養主云雲居高低於弟子主無語
尚書問師師云尚書莫教話墮
師在嶺中時間一老宿一切時中如何辯明老宿云
喚什麼作一切時中師云釋迦老子道了也彌勒猶

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

自不知又見一老宿上堂云若是商量舉覺如當門
利効相似一句下須有殺活始得師出衆云和尚上
堂多時大衆歸堂老宿云道什麼師云日月易流
拂子意旨如何維那云拂前見拂後見師云如是如
是又云是諾伊是不諾伊又云可知禮也

師聞洛浦勘僧云近離甚處僧云荆南洛浦云有一
人與麼去還逢麼僧云不逢洛浦云爲甚麼不逢僧
云若逢卽頭粉碎洛浦云闍黎三寸甚密師後於江
西見其僧問云還有此語不僧云有師云洛浦倒退

三千里

師在靈樹知聖大師會中爲首座時僧問知聖如何
是祖師西來意知聖云老僧無語却問僧忽然上碑
合著得什麼語時有數僧下語皆不契知聖云汝去
請首座來泊師至知聖乃舉前話問師師云也不難
知聖云著得什麼語師云有人問如何是祖師西來
意但云師知聖深肯

上堂

師上堂良久云夫唱道之機固難諧剖若也一言相
契猶是多途况復忉忉有何所益然且教乘之中各

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

有殊分律爲戒學經爲定學論爲慧學三藏五乘五時八教各有所歸然一乘圓頓也大難明直下明得與衲僧天地懸殊若向衲僧門下句裏呈機徒勞佇思門庭敲磕千差萬別擬欲進步向前過在尋佗舌頭露布從上來事合作麼生向這裏道圓道頓得麼這邊那邊得麼莫錯會好莫見與麼道便向不圓不頓處卜度這裏也須是箇人始得莫將依師語相似語測度語到處呈中將爲自己見解莫錯會祇如今有什麼事對衆決擇看時有州主何公禮拜問云弟子請益師云目前無異草有官問佛法如水中月是

不師云清波無透路進云和尚從何得師云再問復何來進云正與麼時如何師云重疊關山路有官問千子圍繞何者爲的師云化下住持已奉來問問今日開筵將何指教師云來風深辨進云莫祗這便是麼師云錯問從上古德以心傳心今日請師將何施設師云有問有答進云與麼則不虛施設也師云不問不答問凡有言句皆是錯如何是不錯師云當風一句起自何來進云莫祗這便是也無師云莫錯問如何是啐啄之機師云響進云還應也無師云且緩問如何是學人的的事師云痛領一問問如何是

170 1 2 3 4 5 6 7 8 9 180 1 2 3 4 5 6 7 8 9 190

教外別傳一句師云對衆問將來師云莫道今日瞞
諸人好抑不得已向諸人前作一場狼籍忽被明眼
人見成一場笑具如今避不得也且問汝諸人從來
有什麼事欠少什麼向汝道無事已是相埋沒也須
到這箇田地始得亦莫趁口亂問自己心裏黑漫漫
地明朝後日大有事在你若根思遲迴且向古人建
化門頭東覲西覲看是什麼道理你欲得會麼都緣
是你自家無量劫來妄想濃厚一期聞人說著便生
疑心問佛問法問向上問向下求覓解會轉沒交涉
擬心卽差況復有言莫是不擬心是麼更有什麼事

珍重問如何是雲門一曲師云臘月二十五進云唱
者如何師云且緩緩問如何是祖師西來意師云日
裏看山問如何是和尚家風師云久雨不晴進云如
何是久雨不晴師云曬眼著問如何是不帶朕師云
天台普請南嶽遊山問如何是向上一路師云九九
八十一問如何是學人自己師云遊山翫水進云如
何是和尚自己師云賴遇維那不在問如何是教主
師云太無禮生問如何是一代時教師云對一說問
如何是正法眼師云普問如何是端坐念實相師云
河裏失錢河裏撈問如何是沙門行師云會不得進

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

云爲什麼會不得師云祇守會不得問如何是尋常之用師云且那裏葛藤去問如何是教意師云你看什麼經僧云般若經師云一切智智清淨還夢見未僧云一切智智清淨且置如何是教意師云心不負人面無慙色放你三十棒問如何是報得四恩三有去師云抱頭哭蒼天問如何是正法眼師云粥飯氣問如何是三昧師云到老僧一問還我一句來問如何是諸佛出身處師云東山水上行問乞師指箇入路師云喫粥喫飯

師示衆云我事不獲已向你諸人道直下無事早是

相埋沒也更欲踢步向前尋言逐句求覓解會千差萬別廣設問難贏得一場口滑去道轉遠有什麼歇時祇此箇事若在言語上三乘十二分教豈是無言語因什麼道教外別傳若從學解機智祇如十地聖人說法如雲如雨猶被訶責見性如隔羅縠以此故知一切有心天地懸殊雖然如是若是得底人道火何曾燒口終日說事未嘗挂著唇齒未曾道著一字終日著衣喫飯未曾觸著一粒米挂著一縷絲雖然如此猶是門庭之說須是實得與麼始得若約衲僧門下句裏呈機徒勞佇思直饒一句下承當得猶是

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

瞌睡漢時有僧問如何是一句師云舉問如何是說時默師云清機歷掌進云如何是默時說師云曖進云不默不說時如何師將棒趁僧問如何是雲門劍師云祖問如何是諸佛出身處師云更請一問問如何是露地白牛師云覲機無改路進云放著什麼處師云再舉不逾塵問如何是塵塵三昧師云桶裏水鉢裏飯問如何是一如體玄師云欠你一問問如何是玄中的師云醒進云如何卽是師云速退速退妨他別人問問如何是非思量處師云識情難測問鑿壁偷光時如何師云恰問一言道盡時如何師云裂

破進云和尚作麼生下手拈掇師云拈取糞箕掃帚來問如何舉唱卽得不負來機師云道什麼進云還可來意也無師云且緩緩師云三乘十二分教橫說豎說天下老和尚縱橫十字說與我拈針鋒許說底道理來看與麼道早是死馬醫雖然如有幾箇到此境界不敢望你言中有響句裏藏鋒瞬目千差風恬浪靜伏惟尚饗問如何是透法身句師云北斗裏藏身問如何是本來宗師云不問不答問如何是三界唯心萬法唯識師云我今日不答話進云爲什麼不答話師云驢年會麼問如何是吹毛劔師云骼又

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

云問如何是內外光師云向什麼處問學云如何明達師云忽然有人問你作麼生道進云明達後如何師云明卽且置還我達來問如何是切急一句師云吃問如何是本來心師云舉起分明問如何是衲僧孔竅師云放過一着進云請師道師云對牛彈琴問如何是大乘修行師云一榦在手問如何是一切智智清淨師云僧堂入佛殿問如何是不挂唇吻一句師云合取狗口問如何是海印三昧師云你但禮拜問著待我東行西行問如何轉動卽得不落階級師云南斗七北斗八

上堂云諸兄弟盡是諸方叅尋知識決擇生死到處豈無老宿垂慈方便之辭還有透不得底句麼出來舉看待老漢與汝大家商量有麼有麼時有僧出擬伸問次師云去去西天路迢迢十萬餘便下座問如何是當今施設師云道卽不難鑒從何來問如何是不睡底眼師云不省問如何是不犯之令師云那箇師僧還見麼問如何是大人相師乃擎拳問如何是學人急切處師云你怕我不知問如何是佛法大意師云一佛二菩薩問如何是雪嶺泥牛吼師云山河走進云如何是雲門木馬嘶師云天地黑問如何是

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

兄弟添十字師云我共你說葛藤問如何是和尚爲人一句師云心不負人面無慙色速禮三拜問如何是天然之事師云踢步向前作什麼問如何是教意師云吃喫舌頭更將一問來問如何是七縱八橫師云放你一着

上堂云舉一則語教汝直下承當早是撒尿著你頭上也直饒拈一毛頭盡大地一時明得也是剜肉作瘡雖然如此也須是實到這箇田地始得若未且不得掠虛却須退步向自己根脚下推尋看是什麼道理實無絲髮許與汝作解會與汝作疑惑况汝等日各各當人有一段事大用現前更不煩汝一毫頭氣力便與祖佛無別自是汝諸人信根淺薄惡業濃厚突然起得如許多頭角擔鉢囊千鄉萬里受屈作麼且汝諸人有什麼不足處大丈夫漢阿誰無分獨自承當尚猶不著便不可受人欺瞞取人處分纔見老和尚開口便好把特石騫口塞便是屎上青蠅相似鬪哩將去三箇五箇聚頭商量苦屈兄弟古人一期爲汝諸人不奈何所以垂一言半句通你入路知是般事拈放一邊自着些子筋骨豈不是有少許相親處快與快與時不待人出息不保入息更有什麼身

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

心閑別處用切須在意珍重

上堂良久云觸目不會道運足焉知路僧問如何是
觸目菩提師云與我拈却佛殿問如何是最初一句
師云九九八十一僧便禮拜師云近前來僧便近前
師便打問如何是實學底事師云大好消息進云畢
竟是誰家之子師云臘月二十五問承教有言一切
智智清淨時如何師便唾之進云古人方便又作麼
生師云來來截却汝腳跟換却汝髑髏鉢盂裏拈却
匙筋拈却鼻孔來進云甚處有許多般師云這掠虛
漢便打問如何是禪師云是進云如何是道師云得

問如何是一切法皆是佛法師云三家村裏老婆盈
衢溢路會麼學云不會師云非但汝不會大有人不
會在問學人簇簇地商量箇什麼師云大眾久立
上堂云盡乾坤一時將來著你眼睫上你諸人聞與
麼道不敢望汝出來性躁打老僧一摑且緩緩仔細
看是有是無是箇甚麼道理直饒你向這裏明得若
遇衲僧門下好椎脚折若是箇人聞道什麼處有老
宿出世便好驀面唾汙我耳目汝若不是箇手脚纔
聞人舉便承當得早落第二機也汝不看他德山和
尚纔見僧入門拽拄杖便趣睦州和尚見僧來便云

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

現成公案放你三十棒自餘之輩合作麼生若是二般掠虛漢食人膿唾記得一堆一擔搣搔到處馳騁驢唇馬嘴誇我解問十轉五轉話饒你從朝問至夜答到夜論劫還夢見麼什麼處是與人著力處似這般底有人屈衲僧齋也道得飯喫有什麼共語處他日閻羅王面前不取你口解說諸兄弟若是得底人他家依衆遣日若未得切莫掠虛不得容易過時大須仔細古人大有葛藤相爲處祇如雪峰和尚道盡大地是你夾山和尚道百草頭上薦取老僧鬧市裏識取天子洛浦和尚云一塵纏起大地全收一毛頭

獅子全身總是你把取翻覆思量看日久歲深自然有箇入路此箇事無你替代處莫非各在當人分上老和尚出世祇爲你作箇證明你若有箇入路少許來由亦昧汝不得若實未得方便撥你卽不可兄弟一是踢破草鞋行腳拋却師長父母直須著些子眼睛始得若未有箇入頭處遇着本色咬豬狗手腳不惜性命入泥入水相爲有可咬嚼眨上眉毛高挂鉢囊十年二十年辦取出頭莫愁不成辦直是今生未得來生亦不失却人身向此門中亦乃省力不虛辜負平生亦不辜負施主師長父母直須在意莫空

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

過時遊州獵縣橫擔拄杖一千里二千里走這邊經
冬那邊過夏好山好水堪取性多齋供易得衣鉢苦
屈苦屈圖他一斗米失却半年糧如此行脚有什麼
利益信心檀越一杷菜一粒米怎麼生消得直須自
看無人替代時不待人一日眼光落地前頭將何抵
擬莫一似落湯螃蟹手脚忙亂無你掠虛說大話處
莫將等閑空過時光一失人身萬劫不復不是小事
莫據目前俗子尚云朝聞道夕死可矣况我沙門合
履踐何事大須努力珍重問如何是諸佛出身處師
云佛前裝香佛後合掌問十二時中如何得不被諸
境惑去師云三門頭合掌問四面森森如何是靈樹
師云風鳴雨息進云如何是靈樹枝條師云曬眼皮
草問如何是觸目菩提師云拈却露柱學云露柱豈
干他事師云驢年會麼問醍醐上味爲什麼翻成毒
藥師云壓問如何是活師云心不負人學云如何是
殺師云三日後不得唱衣學云不殺不活時如何師
以拄杖趨出問學人與麼來請師實說師云知問金
剛爲什麼倒地師云不著力問殺父殺母佛前懺悔
殺佛殺祖向什麼處懺悔師云露問不起一念還有
過也無師云須彌山問如何是和尚家風師云有讀

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

書人來報問學人有疑請師不責從上宗乘事作麼生師云三拜不虛問生死到來如何排遣師云在甚麼處問如來唯一說無二說如何是如來說師云那箇師僧何不問問闍中如何辨主師云務原是什麼人坐問學人實問請師實答師云你作麼生辨進云正當與麼時如何師云的問從上古德以何爲的師云看取舌頭

上堂云諸和尚子莫妄想天是天地是地山是山水是水僧是僧俗是俗良久云與我拈案山來看便有僧問學人見山是山見水是水時如何師云三門爲什麼從這裏過進云與麼則不妄想去也師云還我話頭來

上堂良久云還有人道得麼道得底出來衆無語師拈拄杖云適來是箇小屎坑如今是箇大屎坑下座問萬法歸一一卽不問如何是萬法師云你來這裏說葛藤瞞我問聖僧爲什麼被大蟲咬師云與天下人作榜樣問十二時中如何用心卽得不負於上來師云省力進云省力事如何師云省取前話問萬機不到處如何知有師云該得麼進云日用事如何師云一箭到新羅大漢國裏說葛藤問學人擬伸一問

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

還許也無師云佛不奪衆生所願問如何舉唱卽得
不負來機師云痛領一問問千聖功圓冥然時如何
擊琢師云句裏明人問三界中何物勝於佛師云通
你一問問摘葉尋枝卽不問如何是直截根源師云
速禮三拜問已事未明如何指示師云不避來機還
當得麼問盡其機來師還接也無師云一問不錯學
云一問且置師還接不師云細看前話問毘盧向上
卽不問虛空請師畱些子師云把却汝咽喉你作麼
坐道問如何是學人自己師云一拶一劄進云莫便
是不師云蘇嚕蘇嚕

上堂云今日與諸人舉一則語大眾聾聽良久有僧
出禮拜擬伸問次師以拄杖趣云似這般滅胡種長
連床上納飯阿師堪什麼共語處這般打野樞漢以
拄杖一時趣下問大眾雲集合談何事師云向下文
長付在來日進云便與麼去時如何師云墮進云什
麼處是墮師云長連床上飽喫飯了脫空妄語問靈
山一會何似今日師云言中有響學云當今事作麼
生師云不煩再問問以字不成八字不是未審是什
麼字師云九九八十一進云學人不會請師指示師
云我又辜你什麼處問從上古德得箇什麼便稱尊

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

貴師云愛問不愛答進云與麼則不假和尚舌頭嚼去也師云熨斗煎茶銚不同問和尚爲人語話還有未道著底句也無師云說不及進云爲什麼如此師云祇爲如此問大拍盲底人來師還接也無師放身倒問如何是雲門山師云庚峰定穴問牙齒敲磕皆落名言如何得不落古人蹤師云通機自辨問如何是和尚家風師云皮枯骨瘦問如何是道師云七顛八倒進云爲什麼如此師云一不得向二不得開問暗室得明時如何師云朗州此去多少

上堂云一言纔舉千差同轍該括微塵猶是化門之說若是衲僧合作麼生若將祖意佛意這裏商量曹溪一路平沉還有人道得麼道得底出來時有僧問如何是超佛越祖之談師云餉餅進云這箇有什麼交涉師云灼然有什麼交涉師乃云你勿可作了見人道著祖師意便問超佛越祖之談你且喚什麼作佛喚什麼作祖卽說超佛越祖之談便問箇出三界你把將三界來有什麼見聞覺知隔礙著你有甚聲色法與汝可了了箇什麼椀以那箇爲差殊之見他古聖勿奈你何橫身爲物道箇舉體全真物物覲體不可得我向汝道直下無事早是相埋沒了也你若

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

實未得箇入頭處且中獨自叅詳除却著衣喫飯局
屎送尿更有什麼事無端起得如許多般妄想作什
麼更有一般底如等閑相似聚頭舉得箇古人話識
性記持妄想卜度道我會佛法了也祇管說葛藤取
性過日更嫌不稱意千鄉萬里拋却父母師資作這
去就這箇打野裡漢有什麼死急行脚去以拄杖便
趁下問父母不聽不得出家如何得出家師云淺進
云學人不會師云深問從上來事請師提綱師云朝
看東南暮看西北進云便與麼會時如何師云東家
點燈西家暗坐問當今一句請師道師云放你一線

道還我一句來問不涉廉纖請師道師云一怕汝不
問二怕汝不舉三到老僧跨跳四到你退後速道速
道僧便禮拜師便打問萬機喪盡時如何師云與我
拈佛殿來與汝商量進云豈于他事師咄云這掠虛
漢問目前蕩盡時如何師云熱發作麼其僧禮拜而
退師云且來且來僧近前師便棒云這掠虛漢譯我
問如何是法王主師云叉手著問盲龜值浮木孔時
如何師云老僧叉手去也

上堂云故知時運澆漓代干像季近日師僧北去言
禮文殊南去謂遊衡嶽與麼行腳名字比丘虛消信

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

施苦哉苦哉問著黑漆相似祗管取性過日設有三箇兩箇狂學多聞記特話路到處覓相似語句印可老宿輕忽上流作薄福業他日閻羅王釘釘之時莫道無人向汝道若是初心後學直須擺動精神莫空記說多虛不如少實向後祇是自賺有什麼事近前問學人正在迷途請師一接師云道什麼問如何是教意師云答猶未了進云和尚什麼處答師云將謂汝靈利問如何是衲僧正眼師云那箇師僧近前來其僧近前師咄云去問如何會得和尚一句師云臘月二十五問教中卽不問如何是宗門中事師云旣有來問速禮三拜問絕消息處如何履踐師云三十年後進云祇今如何師云莫亂統問性源還有語也無師云莫問問佛病祖病將何醫師云審卽諧進云將何醫師云幸有力問百步穿楊請師指的師云答這話去也問言詮不及處如何體會師云對衆快禮三拜問蛤蜊之子如何進步師云目前不辨進云豈無尊貴師云不較多進云作麼生師云作麼生問凡有言說皆是葛藤如何是不葛藤師云大有人見汝問問急急相投請師指教師云作麼生道進云不會請師道師云作麼

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

上堂云大衆汝等還有鄆州針麼若有試將來看有
麼有麼衆無對師云若無散披衣裳去也便下座
上堂大衆集定乃以拄杖指云乾坤大地微塵諸佛
總在裏許爭佛法覓勝負還有人諫得麼若無人諫
得待老僧與汝諫看時有僧云請和尚諫師云這野
狐精問盡大地人來師如何接師云提綱有路進云
莫抵這便是指示不師云合取狗口問時中不明如
何得不落緣塵去師云閉門哭蒼天問十二時中如
何體悉師云不難辨進云還有學人入頭處也無師
云細看前話問靈山一會迦葉親聞未審聞箇什麼

一句師云不避來鋒速道速道進云是什麼句師云掣
電之機徒勞佇思問千聖不傳古今不歷如何是和
尚接人一句師云觸忤老兄得麼進云如何是接人
一句師云作麼問有何逕要令學人心息師云放你
三十棒問目前坦然時如何師云海水在汝頭上進
云還著得也無師云向這裏脫空妄語問施主設齋
將何報答師云量才補職進云不會師云不會卽喫
飯問如何是向上事師云截却汝肚腸換却匙筋拈
將鉢盂來看僧無對師云這掠虛漢問如何是佛法
大意師云來鋒有路問如何是學人轉身處師云利

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

五家言金

問一口吞盡時如何師云我在汝肚裏進云和尚爲甚麼在學人肚裏師云還我話頭來

上堂良久云祇這箇帶累殺人便下座

上堂云道卽道了也時有僧出禮拜欲伸問次師拈拄杖便打云識什麼好惡這一般打野樞漢總似這箇僧爭消得施主信施惡業衆生總在這裏覓什麼乾屎橛咬以拄杖一時趁下問牛頭未見四祖時如何師云家家觀世音進云見後如何師云火裏螂蟬吞大蟲問如何是禪師云拈却一字得麼問扶桑柯畔日輪未出時如何師云知問背楚投吳時如何師

云面南看北斗問六國未寧時如何師云千里何明進云爭奈不明何師云賴遇適來道了問如何是本源師云受什麼人供養問如何是直截一路師云主山後進云謝師指示師云合取皮袋問曹溪的旨請師垂示師云三十年後問密室玄宮時如何師云倒進云宮中事作麼生師云重問萬機吐不出時如何師云大眾不匪進云猶是學人疑處在師云語覆前機去問要急相應唯言不二時如何師云對衆舉大眾可不知進云如何承當師云驢年問一生積惡者不知善一生積善者不知惡此意如何師云燭問遠

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

遠投師師意如何師云七九六十三進云學人近離
衡州師喝云是你草鞋跟斷僧云珍重師喝云靜處
薩婆訶問如何是學人自己師云一佛二菩薩
上堂云汝等諸人皆是河南海北來各各盡有生緣
所在還自知得麼試出來舉看老漢與汝證明有麼
有麼汝若不知老漢瞞汝去也汝欲得識麼生緣若
在向北北有趙州和尚五臺文殊總在這裏生緣若
在向南南有雪峰臥龍西院鼓山總在這裏汝欲得
識麼向這裏識取若不見莫掠虛見麼見麼若不見
且看老漢騎佛殿出去也珍重問六國未寧時如何

師云雲攀雨色問上無攀仰下無已躬時如何師云
藏身一句作麼生道僧便禮拜師云放過一著置將
一問來僧無語師云這死蝦蟆問如何是色即是空
師云拄杖敲汝臭孔問如何是和尚非時爲人一句
師云早朝牽犢晚間拽杷問三乘五性卽不問如何
是衲僧門下事師云日勢稍晚速禮三拜問久值爲
什麼不識師云測問如何是心師云心進云不會師
云不會進云究竟如何師咄云靜處東行西行問三
界唯心萬法唯識時如何師云舌根裏藏身進云藏
身後如何師云蘇嚕蘇嚕問如何是途中受用師云

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

王蒙詩錄

七九六十三進云如何是世諦流布師云江西湖南
新羅渤海問密室不通風時如何師云響露鳴風進
云如何是密室中人師云再陳難辨問直與麼來時
如何師云照從何立進云不去不來時如何師云前
語道什麼問進向無門時如何師云三千八百
上堂云放你橫說豎說從朝至暮無人塞你口不放
你說又作麼生

上堂大衆集良久驀拈拄杖云看看北鬱單越人見
汝搬柴不易在中庭裏相撲供養你更爲你念般若
經云一切智智清淨無二無二分無別無斷故僧便

問如何是一切智智清淨師云西天斬頭截臂這裏
自領出去問挂錫幽巖時如何師云在什麼處問如
何是深中淺師云山河大地進云如何是淺中深師
云大地山河進云如何是深師云朝到西天暮歸唐
土問迦葉入定時如何師云匿得麼進云還見十方
不師云好手透不出問真如湛寂妙絕無門時如何
師云自機迴照進云祇這裏如何師云莫錯問千般
方便誘引歸源未審源中事如何師云有問有答速
道將來僧應諾師云迢遙也問如何是雲門劔師云
揭進云用者如何師云蘇嚕蘇嚕問如何是祖師西

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

〔釋述〕

五家真言

來意師云沒卽道進云不會師云壯一問問能詮表
 裏時如何師云風不入進云表裏事如何師云錯問
 萬機俱罷時如何師云塚上生芝草問觀身無已觀
 外亦然時如何師云熱發作麼進云與麼則水消瓦
 解去也師便打問龍門有意進水無能時如何師云
 來機卽易再舉還難進云正與麼時如何師云快
 上堂云我看汝諸人二三機中尚不能構得空披衲
 衣何益你還會麼我爲汝注破久後到諸方若見老
 宿舉一指豎一拂子云是禪是道拽拄杖打破頭便
 行若不如此盡落天魔眷屬壞滅吾宗汝若實不會

且向葛藤社裏看我尋常向汝道微塵刹土中三世
 諸佛西天二十八祖唐土六祖盡在拄杖頭說法神
 通變現聲應十方你還會麼若不會且莫掠虛雖然
 如此且諦當實見也未直饒到此田地也未夢見衲
 僧沙彌在三家村裏不逢一人師蓦拈拄杖劃地一
 下云總在這裏又劃一下云總在這裏出去也珍重
 問古人面壁意旨如何師云念七又云定問百不會
 底人來師如何接師云話墮也進云什麼處是話墮
 師云七棒對十三問承古有言了卽業障本來空未
 了還須償宿債未審二祖是了未了師云確問從上

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

五家詩錄

古德相傳何事師云速禮三拜問如何是雲門一路
師云親進云如何卽是師云顛言倒語作麼問承古
有言擬心卽差如何得不差師云洪機歷掌進云後
人再問作麼生師云遲風難改問三身中阿那身說
法師云要問如何是釋迦身師云乾屎橛問請師提
綱宗門師云南有雪峰北有趙州問大徹底人見一
切法是空不師云蘇嚕蘇嚕問終日切切不得箇入
路乞師指箇入路師云當機有路問如何是超佛越
祖之談師云蒲州麻黃益州附子問如何是教意師
云撩起來作麼生道進云便請師道師云對牛彈琴

問玄機一路如何體會師云三十年後問榔示雙趺
當表何事師云言進云未審師意如何師云緊峭草
鞋問不是玄機亦非目擊時如何師云倒一說問劫
火洞然時如何師云更夢見什麼

上堂云天親菩薩無端變作一條榔櫻柱杖乃劃地
一下云塵沙諸佛盡在這裏說葛藤去便下座

上堂云我共汝平展遇人識人與麼老婆說話尚自
不會每日飽飯喫了上來下去覓什麼椀這野狐隊
仗向這裏作什麼以拄杖一時趨下問初秋夏末前
程忽有人問如何祇對師云大眾退後進云過在什

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

玉函錄

麼處師云還我九日飯錢來問學人近到法席未
審家風事如何師云不歷一問作麼生道問十方國
土中唯有一乘法如何是一乘法師云何不別問進
云謝師指示師便喝問承古有言一塵徧含一切塵
如何是一塵師云吃喎舌頭更將一問來問學人不
問師還答也無師云將汝口挂壁上不得問一切尋
常時如何師云雖然屎臭氣熏我我且問你晝行三
千夜行八百你鉢盂裏什麼處著僧無對師云脫空
妄語漢問如何是教眼師云速禮三拜問承古有言
牛頭橫說豎說不知有向上關捩子如何是向上關

捩子師云東山西嶺青問如何是露地白牛師云歸
依佛歸依法歸依僧進云白牛何在師咄之問樹凋
葉落時如何師云體露金風問如何是布袋裏珍珠
師云說得麼問如何是祖宗的子師云言中有響
上堂云夫學般若菩薩須識得衆生病卽識得學般
若菩薩病還有人揀得麼出來對衆揀看衆無語乃
云若揀不得莫妨我東行西行

上堂云我今日共汝說葛藤屎灰尿火泥猪疥狗不
識好惡屎坑裏作活計所以道盡乾坤大地三乘十
二分教三世諸佛天下老師言教一時向汝眼睫上

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

會取去饒汝便向這裏一時明得亦是不著便漢無
 端跳入屎坑可中於我衲僧門下過打腳折時有三
 僧出一時禮拜師云一狀領過問如何得速超三界
 去師云如何得速超三界去進云是師云是卽休問
 終日忪忪時如何師云覲機無響路進云作麼生師
 云說不得問一擺淨盡時如何師云爭奈老僧何進
 云此是和尚分上師云這掠虛漢問如何是道師云
 透出一字進云透出後如何師云千里同風問古人
 道知有極則事如何是極則事師云爭奈在老僧手
 裏何進云某甲問極則事師便棒云吽吽正當撥破
 便道請益這般底到處但知亂繞近前來我問你尋
 常在長連床上商量向上向下超佛越祖你道水牯
 牛還有超佛越祖底道理麼僧云適來已有人問了
 也師云這箇是長連牀上學得底不要有便言有無
 便言無僧云若有更披毛戴角作麼師云將知你祇
 是學語之流又云來來我更問你諸人橫擔拄杖道
 我參禪學道便覓箇超佛越祖底道理我且問你十
 二時中行住坐臥屙屎送尿至於茆坑裏蟲子市肆
 賣買羊肉案頭還有超佛越祖底道理麼道得底出
 來若無莫妨我東行西行便下座師見僧入來便云

170 1 2 3 4 5 6 7 8 9 180 1 2 3 4 5 6 7 8 9 190 1

瓦解水消僧云學人有什麼過師云七棒對十三問
如何是西來意師云長連床上有粥有飯問承古有
言道無橫徑立者皆危如何是道師云普請看問如
何是三乘教外一句師云閻黎一問老僧跨跳三千
里進云謝師指示師云住住你道老僧話作麼生僧
無對師云三十年後來與汝三十棒問大眾雲集合
談何事師云談汝屋裏老爺問曹溪一句闔國知聞
未審雲門一句什麼人得聞師云閻黎不聞進云學
人親近得不師云仔細踟蹰看

上堂云如來明星現時成道有僧問如何是明星現
時成道師云近前來近前來僧近前師以拄杖打趁
上堂有僧出禮拜云請師答話師召大眾大眾舉頭
師便下座

上堂良久有僧出禮拜師云太遲生僧應諾師云這
漆桶

上堂云有解問話者置將一問來僧出禮拜云請師
鑒師云拋釣釣鯢鯨釣得箇蝦蟆僧云和尚莫錯師
云朝走三千暮走八百作麼生僧無語師便打
上堂僧問如何是本源師拈起拄杖云若是提起卽
向上去也僧又問如何是本源師云南瞻部洲北鬱

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

單越問普賢爲什麼騎象文殊爲什麼騎師子師云我無象也無師子且騎佛殿出三門去也問如何是教意師云山河大地又云正好辨猶是曲說教意若約提綱卽未在問一切智通無障礙時如何師云掃地潑水相公來問隨流認得性時如何師云東堂月朗西堂闇問如何是三乘教外別傳底事師云你若不問我卽不答你若問我卽朝到西天暮歸唐土僧云乞師指示師云一不成二不是問如何是祖師西來意師云青天白日寢語作麼問如何是佛法大意師云日裏麒麟看北斗問學人到這裏爲什麼道不得師云野狐窟裏坐問不落古今是何曲調師拽拄杖便下座問如何是佛法大意師云面南看北斗問古人斬蛇意旨如何師便打問如何是和尚家風師云閻黎受戒太早問如何是賓中主師云騎一問進云如何是主中主師云叉手著進云賓主相去多少師云如眼如目進云合談何事師云三九二十七問自到和尚法席不會乞師指示師云截却你頭得麼問乞師指示令學人頓息昏迷師云襄州米作麼價問二尊相見時如何師云不是偶然

上堂云天帝釋與釋迦老子在中庭裏相爭佛法甚

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

鬧便下座問如何是曹溪的意師云老僧愛瞋不愛喜進云爲什麼如此師云路逢劔客須呈劔不是詩人不獻詩問二尊相見共談何事師云不決卽道問人天交接其意如何師云對衆呈機

上堂云和尚子且須明取衲僧龜孔且作麼生是衲僧龜孔乃云摩訶般若波羅蜜今日大普請便下座問如何是西來意師云山河大地進云向上更有事也無師云有進云如何是向上事師云釋迦老子在西天文殊菩薩居東土問父母俱喪時如何師云俱喪且置那個是你父母僧云苦痛深師云灼然灼然問如何是大施主師云對機不辨問徹底冥濛底人來師如何拯濟師云兩重公案一狀領過問說教當爲何人師云近前來高聲問僧近前問師便打問和尚年多少師云七九六十八進云爲什麼七九六十八師云我爲你減却五年

上堂云和尚子直饒你道有什麼事猶是頭上安頭雪上加霜棺木裏眨眼炎瘢上更著丈燭這箇是一場狼籍不少也你合作麼生各自覓箇託生處好莫空遊州獵縣祇欲捏搊開言語待老和尚口動便問禪問道向上向下如何若何大卷抄將去望向皮袋

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

卷四

裏卜度到處火爐邊三箇五箇聚頭舉口喃喃地便道這箇是公才語這箇是就處打出語這箇是事上道底語這箇是體語體汝屋裏老爺老嬪童却飯了祇管說夢便道我會佛法了也將知與麼行脚驢年得休歇麼更有一般底纔聞說箇休歇處便向陰界裏閉目合眼老鼠孔裏作活計黑山下坐鬼趣裏體當便道我得箇入路也還夢見麼這般底打殺萬箇有什麼罪過喚作打底不遇作家至竟祇是箇掠虛漢你若實有箇見處拈將來共汝商量莫空過不識好惡認認詞地聚頭說葛藤莫教老僧見捉來勘

不相當槌折腰莫言不道汝皮下還有血麼到處自欲受屈作麼這滅胡種盡是野狐羣隊總在這裏作麼以拄杖一時趁下問十方薄伽梵一路涅槃門如何是一路涅槃門師云我道不得進云和尚爲什麼道不得師云是你舉話卽得問如何是法說師云大衆久立速禮三拜如何是隨意說師云晨時有粥齋時有飯如何是隨空說師云三德六味施佛及僧如何是方便說師云是汝鼻孔重三斤半如何是大悲說師云歸依佛法僧問生死根源卽不問如何是目前三昧師云吃喫舌頭三千里進云今日得遇和尚

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

也師云放你三十棒問乞師指示師云上大人丘乙
已進云學人不會師云化三千七十士問不離三德
六味還有佛法也無師云祇怕你不問進云請師道
師云三德六味施佛及僧
上堂云眼睫橫亘十方眉毛上透乾坤下透黃泉須
彌山塞却汝咽喉還有會處麼若會得拽取占波國
共新羅國鬪額

上堂云江西卽說君臣父子湖南卽說他不與麼我
此間卽不如此良久云汝還見壁麼

上堂云去去遁相鈍置有什麼了時却問衆云我與
麼道還有過麼問如何是祖師西來意師云一不得
問進云諾師咄云話也不領問今日供養羅漢羅漢
還來也無師云汝若不問我卽不道進云請師道師
云三門頭合掌佛殿裏裝香問如何是衲僧本分事
師云南有雪峰北有趙州進云請和尚不繁辭師云
不得失却問學云諾師便打問承古有言會卽事同
一家不會卽離牙擘齒如何得事同一家師云亂走
作麼

上堂云從上來且是箇什麼事如今抑不得已且向
汝諸人道盡大地有什麼物與汝爲對爲緣若有針

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

鋒與汝爲隔爲礙與我拈將來喚什麼作佛作祖喚
什麼作山河大地日月星辰將什麼爲四大五蘊我
與麼道喚作三家村裏老婆說話忽然遇著本色行
腳漢聞與麼道把脚拽向階下有什麼罪過雖然如
此據箇什麼道理便與麼莫趣口快向這裏亂道須
是箇漢始得忽然被老漢脚跟下尋著勿去處打脚
折有什麼罪過旣與麼如今還有問宗乘中話麼待
老漢答一轉了東行西行有僧擬問次師以拄杖劈
口打便下座問師子頰呻時如何師云頰呻且置試
摩吼看僧應諾師云這箇是老鼠啼

上堂云我有一句語不敢望你會還有人舉得麼良
久云將謂胡鬚赤更有赤鬚胡便下座

上堂云不得已且作死馬醫向汝道是箇什麼是東
是西是南是北是有是無是見是聞是向上是向下
是與麼是不與麼這箇喚作三家村裏老婆說話是
你有幾箇到此境界相當卽相當不相當靜處薩婆
訶便下座

上堂云諸方老和尚道須如有聲色外一段事似這
箇語話誑詬人家男女三間法堂裏獨自妄想未曾
夢見我本師宗旨在作麼生消得他信施臘月三十

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

日箇箇須償他始得任汝跨跳去是你諸人各自努力珍重問目前無一法還免得生死不師云你驢年未免得在問如何是道師云去進云學人不會乞師道師云闍黎公驗分明何在重判問維摩一默還同說也無師云痛領一問進云與麼則同說也師云適來道什麼問如何是清淨法身師云花藥欄進云便與麼會時如何師云金毛師子

上堂因聞鐘鳴乃云世界與麼廣濶爲什麼鐘聲披七條

上堂云不可雪上加霜去也珍重便下座

上堂云諸方老禿奴曲木禪牀上坐地求名求利問佛答佛問祖答祖屙屎送屎也三家村裏老婆傳口令相似識箇什麼好惡總似這般底水也難消

上堂云人人自有光明在看時不見暗昏昏便下座師入京在受春殿聖上問如何是禪師云皇帝有敕臣僧對師在文德殿赴齋有鞠常侍問靈樹菓子熟也未師云什麼年中得信道生

上堂云你諸人無端走來這裏覓什麼老僧祇解喫飯屙屎別解作什麼你諸方行脚參禪問道我且問你諸方叅得底事作麼生試舉看又云中間諱汝屋

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

卷六

裏老爺得麼向老漢臍臂後覓得些子弟唾嚼將爲
自己便道我解禪解道饒你念得一大藏教擬作麼
生去古人事不得已見你亂走向汝道菩提涅槃是
埋沒你是釘橛繫却你又見你不會向汝道非菩提
涅槃知是般事早是不著便也又更覓他注解這般
底滅胡種族從上來總似這般何處到今日我向前
行腳時有一般人與我注解他是不惡心被我一日
覲見是一場笑具是我三五年不死這般滅胡種底
一斧打腳折如今諸方大有出世紐捏你何不去彼
中在這裏覓什麼乾屎橛師便下地以拄杖一時打
趣下去問如何是萬法一決師云莫教失却問問死
中得活時如何師云朝行三千夜行八百問大眾雲
集合談何事師云今日放下令行去也僧禮拜師便
打問如何是學人自己師云怕我不知問如何是透
法身句師云海晏河清道士問視聽無聲無形老君
說了也雲門一句請師指示師云迢然西天路道士
無語師擬下座道士云再請師舉揚宗旨師云道得
底出來衆無對師云與麼則辜負請主去也便下座
上堂大眾集定師乃拈起拄杖云不得已且向這裏
會取看看三門在露柱上便下座

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

師有時顧視僧曰鑒僧擬對之則曰喚叢林因目師
爲顧鑒喚後德山圓明禪師刪去顧字謂之抽顧頌
室中語要

師示衆云盡十方世界乾坤大地以拄杖一畫百雜
碎三乘十二分教達磨西來放過卽不可若不放過
不消一喝

示衆云西天二十八祖唐土六祖天下老和尚總在
拄杖頭上直饒會得倜儻分明祇在半途若不放過
盡是野狐精師一日云古來老宿皆爲慈悲之故有
落草之談隨語識人若是出草之談卽不與麼若與

麼便有重話會語不見仰山和尚問僧近離甚處僧
云廬山仰山云曾遊五老峰麼僧云不曾遊仰山云
閣黎不會遊山師云此語皆爲慈悲之故有落草之
談有時云若言卽心卽佛權且認奴作郎生死涅槃
恰似斬頭覓活若說佛說祖佛意祖意大似將木槐
子換却你眼睛相似舉古云聞聲悟道見色明心
師云作麼生是聞聲悟道見色明心乃云觀世音菩
薩將錢來買餉餅放下手云元來祇是饅頭師有時
云燈籠是你自己把鉢盂噇飯飯不是你自己有僧
便問飯是自己時如何師云這野狐精三家村裏漢

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

復云來來不是你道飯是自己僧云是師云驢年夢見三家村裏漢師有時云真空不壞有真空不異色僧便問作麼生是真空師云還聞鐘聲麼僧云此是鐘聲師云驢年夢見麼舉蹠山和尚問僧什麼處來僧云嶺中來蹠山云曾到雪峰麼僧云曾到蹠山云我已前到時是事不足如今作麼生僧云如今足也蹠山云粥足飯足僧無語師云粥足飯足舉乎上座參雪峰雪峰聞乃集衆乎到法堂上顧視雪峰便下看知事明日却上禮拜云某甲昨日觸忤和尚雪峰云知是般事便休時有僧問師作麼生是觸忤

和尚處師便打舉僧問資福古人拈槌豎拂意旨如何資福云古人與麼那僧云拈槌豎拂又作麼生資福便喝出師云古人是什麼眼目僧云和尚作麼生師云驢年會麼僧無對師復召僧來來僧近前師以拂子蓦口打舉三平頌云卽此見聞非見聞師云喚什麼作見聞無餘聲色可呈君師云有什麼口頭聲色箇中若了全無事師云有什麼事體用無妨分不分師云語是體體是語復拈起拄杖云拄杖是體燈籠是用是分不分不見道一切智智清淨舉一宿覺云幻化空身卽法身師拈起拄杖云盡大地

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

不是法身 舉僧問趙州某甲乍入叢林乞師指示
 趵州云喫粥了也未僧云喫粥了也趙州云洗鉢孟
 去師云且道有指示無指示若道有指示向他道什
 麽若道無指示這僧何得悟去 舉僧問雪峰乞師
 指示雪峰云是什麼其僧於言下大悟師云雪峰向
 伊道什麼師有時云平地上死人無數過得荆棘林
 是好手僧云與麼則堂中第一座有長處也師云蘇
 嚮蘇嚙 舉無情說法忽聞鐘聲云釋迦老子說法
 也拈起拄杖問僧這箇是什麼僧云拄杖子師云
 驢年夢見師一日云三家村裏賣卜東卜西卜忽然
 卜著也不定僧便問忽然卜著時如何師云伏惟師
 有時云大用現前不存軌則僧便問如何是大用現
 前師乃拈拄杖高聲唱云釋迦老子來也師有時以
 拄杖打火爐一下大衆眼目定動師乃云火鑪跨跳
 上三十三天見麼見麼衆無語師云無智人前莫說
 打你頭破百裂師有時云看看法身變作燈籠超佛
 越祖之談從你腳跟下過也僧云腳跟下認得時如
 何師云鈍置殺我僧云與麼則迥然不在這裏也師
 云直饒與麼道猶在半途未是透脫一路僧便問如

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

何是透脫一路師云天台華頂趙州石橋舉仰山
云如來禪卽許師兄會僧便問如何是如來禪師云
上大人又拈起扇子云我喚作扇子你喚作什麼僧
無語師云扇子上說法燈籠裏藏身作麼生僧却問
如何是和尚禪師叱云元來祇在這裏舉雪峰喚
僧近前來僧近前雪峰云去師舉了問僧你作麼生
道得叉手句你若道得叉手句卽見雪峰舉三祖
云一心不生萬法無咎師云祇這裏悟了乃拈起拄
杖云乾坤大地有什麼過舉一宿覺云一切數句
非數句與吾靈覺何交涉師云行住坐臥不是靈覺
喚什麼作數句舉槃山云光境俱忘復是何物師
云東海裏藏身須彌山上走馬復以拄杖打牀一下
大眾眼目定動乃拈拄杖趁散云將謂靈利這漆桶
舉僧問乾峰十方薄伽梵一路涅槃門未審路頭
在什麼處乾峰以拄杖劃云在這裏師拈起扇子云
扇子跨跳上三十三天築著帝釋臭孔東海鯉魚打
一棒雨似盆傾相似會麼師有時云諸方拈槌豎拂
云會麼但云莫壓良爲賤却云是是待伊擬議便打
舉教云心生種種法生心滅種種法滅乃拈起柱
杖云重多少僧云半斤師云驢年夢見舉夾山語

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

一撰述

五言詩錄

卷三

云百草頭上薦取老僧師合掌云不審不審又以拄杖指露柱云夾山變作露柱也看看舉仰山問僧近離甚處僧云向南仰山拈起拄杖云彼中還說這箇麼僧云不說仰山云不說這箇還說那箇麼僧云不說仰山名大德叅堂去僧便去仰山復名其僧僧應諾仰山云近前來僧近前仰山便打師云仰山若無後語爭識得人舉雪峰喚僧近前來僧近前雪峰云甚處去僧云普請去雪峰云去師云此是隨語識人舉叅同契云回互不回互師云作麼生是不回互乃以手指板頭云這箇是板頭作麼生是回互師云喚什麼作板頭舉見聞覺知無障礙聲香味觸常三昧師云一切處不是三昧行時不是三昧有處云聲香味觸體在一邊聲香味觸在一邊見解偏枯舉夾山坐次洞山到來云作麼生夾山云祗與麼師代洞山云不放過又作麼生代夾山便喝師又拈夾山云祗與麼元來祗在蝦蟆窟裏又云祗與麼也難得舉祖師偈云法法本來法師云行住坐臥不是本來法一切處不是本來法祗如山河大地與你日夕著衣喫飯有什麼過又云法本法無法師拈起拄杖云不是本無法舉傳大士頌云空手把鋤

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

頭步行騎水牛師云是你從向北騎一頭水牯牛到這裏乃拈起拄杖云不見道千頭萬頭到這裏但識取一頭 舉寶公云如我身空諸法空千品萬類悉皆同師云你立不見立行不見行四大五蘊不可得何處見有山河大地來是你每日把鉢盂噇飯喚什麼作飯何處更有一粒米來 舉一切聲是佛聲一切色是佛色師拈起拂子云是什麼若是拂子三家村裏老婆禪也不會 舉南方禪客問國師此間佛法如何國師云身心一如身外無餘師云山河大地何處有也師有時云要識祖師麼以拄杖指云祖師在你頭上蹲跳要識祖師眼睛麼在你腳跟下又云這箇是祭鬼神茶飯然雖如此鬼神也無厭足師有時云若說菩提涅槃真如解脫是燒楓香供養你若說佛說祖是燒黃熟香供養你若說超佛越祖之談是燒餅香供養你歸依佛法僧下去師一日拈起拄杖舉教云凡夫實謂之有二乘析謂之無緣覺謂之幻有菩薩當體卽空乃云衲僧見拄杖但喚作拄杖行但行坐但坐總不得動著 舉夾山語云百草頭上薦取老僧閻市裏識取天子又云一塵纔起大地全收 舉雪峰云三世諸佛向火燄上轉大法輪

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

懷遠

五言詩錄

四三

師云火燄爲三世諸佛說法三世諸佛立地聽師因
喫茶了拈起盞子云三世諸佛聽法了盡鑽從盞子
底下去也見麼見麼若不會且向多年曆日裏會取
舉槃山語云光非照境境亦非存光境俱忘復是
何物師云盡大地是光喚什麼作自己你若識得光
去境亦不可得有什麼屎光境光境既不可得復是
何物又云此是古人慈悲之故重話會語這裏倜儻
分明去放過卽不可若不放過復舉手云蘇盧蘇盧
舉傳大士云禪河隨浪靜定水逐波清師拈拄杖
指燈籠云還見麼若言見是破凡夫若言不見有一

雙眼在你作麼生會良久復拈拄杖云盡大地不是
浪師有時拈拄杖打牀一下云一切聲是佛聲一切
色是佛色你把鉢孟噇飯時有箇鉢孟見行時有箇
行見坐時有箇坐見這般底作與麼去就把棒一時
趨散師有時拈起拂子云這裏得箇入處去捏怪也
日本國裏說禪三十三天有箇人出來喚云吽吽特
庫兒擔枷過狀舉古人道一處不通兩處失功兩
處不通觸途成滯師拈拄杖云山河大地三世諸佛
盡在拄杖頭上有甚滯礙如今明也暗向什麼處去
祇這明便是暗一切衆生祇被色空明暗隔礙便見

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

卷一

有生滅之法 舉一宿覺云六般神用空不空一顆
圓光色非色師拈起拂子云這箇是圓光是色非色
喚什麼作色與我拈將來看 舉夾山云百草頭上
薦取老僧鬧市裏識取天子師云蝦蟆入你耳朵裏
梵一路涅槃門師云你若不識大食國裏人在你眼
睫裏賣香藥 舉般若經云無二無二分無別無斷
故師乃指露柱云與般若經相去多少 舉經云經
書咒術一切文字語言皆與實相不相違背師拈柱
杖云這箇是什麼若道是拄杖入地獄不是拄杖是

什麼師一日拈拂子撼一下云日月星辰撲落地上
見麼良久起身云近後突著你眼睛 舉十方薄伽
梵一路涅槃門師云這箇是屋上頭是天手裏是拄
杖作麼生是涅槃門師有時云彈指磬欵揚眉瞬目
拈槌豎拂或卽圓相盡是撩鈎搭索佛法兩字未曾
道著道著卽撒尿撒尿 舉瓦官參德山瓦官爲侍
者同入山斫木德山將一椀水與瓦官瓦官接得便
喫却德山云會麼瓦官云不會德山又將一椀水與
瓦官瓦官接得又喫却德山云會麼瓦官云不會德
山云何不成褫取那不會底瓦官云不會又成褫箇

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

什麼德山云子大似箇鐵橛瓦官住院後雪峰去訪
茶話次雪峰云當時在德山會裏斫木因緣作麼生
瓦官云先師當時肯我雪峰云和尚離先師太早其
時面前有一椀水雪峰云將水來瓦官便過與雪峰
雪峰接得便潑却師代云莫壓良爲賤因齋次將餉
餅一咬云咬著帝釋莫孔帝釋害痛復以柱杖指云
在你諸人腳跟下變作釋迦老子見麼見麼閻羅王
聞說呵呵大笑云這箇師僧相當去不奈你何若不
相當總在我手裏師有時以拄杖打床一下云你若
是箇漢忽然這裏聞聲悟了一切山河大地日月星
辰有什麼過 舉洛浦云一塵纔起天地全收師云
鳥窠拈布毛便有人悟去因喫茶次舉一宿覺云三
身四智體中圓八解六通心地印師云喫茶時不是
心地印乃拈柱杖云且向這裏會取 舉僧問雪峰
如何是觸目菩提雪峰云好箇露柱有處云還見露
柱麼師拈起柱杖云有底體上會事見露柱祇喚作
露柱有處道不見有露柱見解偏枯見露柱但喚作
柱見柱杖但喚作柱杖有什麼過 舉僧問靈雲
佛未出世時如何靈雲豎起拂子僧云出世後如何
靈雲亦豎拂子師云前頭却實後底打不著又云不

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

續編

說不出何處有一間時節祇如雪峰夏末於僧堂
前坐衆纔集雪峰拈起拄杖云這箇爲中下根人便
有僧問忽遇上上人來時如何雪峰拈起拄杖師云
我不似雪峰打破狼籍僧便問未審和尚如何師便
打舉僧問玄沙如何是學人自己玄沙云是你自
已師云沒量大人被語脉裏轉却有僧問如何是學
人自己師云忽然路上有人喚衲僧齋你也隨例得
飯喫師因齋次拈起餅云我祇供養江西兩浙人不
供養向北人僧云爲什麼祇供養江西兩浙人不
養向北人師云天寒日短兩人共一椀舉國師

云南方佛法半生半滅此間身心一如身外無餘師
云喚什麼作身心一如又云汝等要識國師底麼自
代云不可辜負國師去也舉肅宗帝請國師看戲
國師云有什麼身心看戲帝再請國師云幸自好戲
師云龍頭蛇尾舉國師三喚侍者侍者三應國師
云將謂吾辜負你誰知你辜負吾師云作麼生是吾
辜負你處你若會得也是無端又云作麼生是侍者
辜負國師處師云粉骨碎身未報得舉藥山問僧
什麼處來僧云湖南來藥山云洞庭湖水滿也未僧
云未滿藥山云許多時雨水爲什麼未滿雲巖代云

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

檢述

卷之三

三

湛湛江洞山代云什麼劫中曾欠少師云祇在這裏舉雪峰云飯籬邊坐餓死人臨河渴死漢玄沙云飯籬裏坐餓死漢水裏沒頭渴死漢師云通身是飯通身是水舉僧問資福古人拈槌堅拂意旨如何資福云嘎師云雪上加霜舉僧問資福云如何是一塵入正受資福作入定勢僧云如何是諸塵三昧起資福云你問阿誰師云這阿師話墮也不知又云前頭早是葛藤又道你問阿誰舉茱萸上堂云你諸人莫向虛空裏釘橛時有靈虛上座出衆云虛空是橛茱萸便打靈虛云和尚臭錯打某甲茱萸便

歸方丈師云矢上加尖僧云和尚適來與麼道那師云槌鐘謝響得箇蝦蟆出來舉僧問投子密嚴意旨如何投子云須是與麼人始得趙州云何不與他

本分草料師問僧作麼生是本分草料僧擬議師便打舉古云寂寂空形影師展兩手云山河大地何處得也又云一切智通無障礙師云拄杖走到西天却歸新羅國裏乃敲牀云這箇是你臭孔舉僧問夾山如何是道夾山云太陽溢目萬里不挂片雲師云不喚作一句不喚作法身是什麼僧問如何是學人自己師云老僧入泥入水僧云某甲粉骨碎身去

170123456789180123456789190123456789

也師喝云大海水在你頭上速道速道僧無語師代云也知和尚恐某甲不實師有時云直得乾坤大地無纖毫過患猶是轉句不見一色始是半提直得如此更須知有全提時節師有時云泡幻同無礙一切處不是幻一切處不是無礙師有時云橫說豎說苦提涅槃真如佛性總是向下商量直得拈槌豎拂時節亦是橫說豎說對前頭猶較些子僧問請師向上道師云大眾久立速禮三拜 舉崇壽問僧還見燈籠麼僧無語師代云推倒燈籠 舉趙州問僧什麼處去僧云摘茶去師云閉口 舉法身說法青青翠

竹盡是法身未是提綱拈掇時節 舉有爲無三世無爲有三世有爲是斷滅法何處得三世無爲有三世不是守寂處法 舉實學是葛藤言句拈槌豎拂時節於實學猶在半途 舉三種人一人因說得悟一人因喚得悟第三人見舉便廻去你道便廻去意作麼生復云也好與三十棒 舉法身喫飯早是剜肉作瘡將謂合有與麼說話 舉僧問雲居湛然時如何雲居云不流師云不流說什麼湛然又云此是截鐵之言 舉藥病相治盡大地是藥那箇是你自己師云遇賤卽貴僧云乞師指示師拍手一下拈起

170123456789180123456789190123456789

撰述

卷二

柱杖云接取柱杖子僧接得拗作兩截師云直饒與
麼也好與三十棒舉翠巖夏末上堂云我一夏已
來與師僧說話看翠巖眉毛在麼保福云作賊人心
虛長慶云生也師云關師有時云不敢望你有逆水
之波且有順水之意也難得乃舉良遂初叅麻谷麻
谷見來便去鋤草良遂到鋤草處麻谷都不顧便歸
方丈閉却門良遂連三日去敲門至第三日纔敲門
麻谷問阿誰良遂云和尚莫瞞良遂若不來禮拜和
尚洎被經論賺過一生師云便有逆水之波如今得
入是順水之意亦喚作雙放時節又云麻谷問阿誰

良遂道莫瞞良遂不是識破麻谷相見時節若不來
禮拜和尚洎被經論賺過一生亦知有賺人處自後
良遂歸京辭皇帝及左右街大師大德再三相留茶
筵次良遂云諸人知處良遂總知良遂知處諸人不
知師云作麼生是良遂知處舉心經云無眼耳鼻
舌身意師云爲你有箇眼見所以言無不可如今見
時不可說無也然雖如此見一切有什麼過一切不
可得有什麼聲香味觸法舉光明寂照徧河沙問
僧豈不是張拙秀才語僧云是師云詎墮也舉僧
辭石霜石霜問船去陸去僧云遇船卽船遇陸卽陸

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

石霜云我道半途稍難僧無語師代云三十年後此話大行又云臨行一句永劫不忘 舉生法師云敲空作響擊木無聲師以拄杖空中敲云阿耶耶又敲板頭云作聲麼僧云作聲師云這俗漢又敲板頭云喚什麼作聲 舉僧問石霜教中還有祖師意麼石霜云有僧云如何是教中祖師意石霜云莫向巻中求師代云不得辜負老僧却向屎坑裏坐地作什麼 舉石霜云須知有教外別傳一句僧問如何是教外別傳一句石霜云非句師云非句始是句 舉洞山云須知有佛向上事僧問如何是佛向上事洞山

云非佛師云名不得狀不得所以言非 舉洞山云塵中不染丈夫兒師云拄杖但喚作拄杖一切但喚作一切 舉法身清淨一切聲色盡是廉纖語話不涉廉纖作麼生是清淨又云作麼生是法身師云六不收又云三十三天二十八宿 舉古云如我身空諸法空千品萬類悉皆同師云身不可得一切諸法豈是有也所以古人道無情有佛性又云無情不喚作法身說法師有時云光不透脫有兩般病一切處不明面前有物是一又透得一切法空隱隱地似有箇物相似亦是光不透脫又法身亦有兩般病得到

170 1 2 3 4 5 6 7 8 9 180 1 2 3 4 5 6 7 8 9 190

法身爲法執不忘已見猶存坐在法身邊是一直饒透得法身去放過卽不可仔細點檢來有什麼氣息亦是病 舉僧問國師如何是本身盧舍那國師云與老僧過淨瓶來僧取淨瓶至國師云却安舊處著僧送安舊處又來問如何是本身盧舍那國師云古佛過去久矣師云無朕跡 舉僧問灌溪久嚮灌溪到來祇見箇漚麻池灌溪云你祇見漚麻池且不識灌溪僧云如何是灌溪灌溪云劈箭急師云何不與第一機祇對 舉韋監軍見帳子畫牛抵樹問僧牛抵樹樹抵牛僧無對師代云歸依佛法僧 舉老宿問僧聞說雪峰有毬子話是不僧云不見說著老宿云聞說有僧云祇是師僧亂舉老宿云不亂舉底事作麼生僧無對師代云某甲新到未曾參堂 舉佛問外道汝義以何爲宗師代外道云這老和尚我識得你也外道云以一切不受爲宗代佛云放過一著佛云汝以一切不受爲宗耶代外道云這瞿曇莫教失却問 舉雪峰云盡大地是你將謂別更有師云不見楞嚴經云衆生顛倒迷已逐物若能轉物卽同如來 舉教云諸法寂滅相不可以言宣師云見定如今說話何處有說不說不見道去不到去來不到

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

來舉一切真如舍一切師云喚什麼作山河大地又云是諸法空相不生不滅不垢不淨師或拈拄杖示衆云柱杖子化爲龍吞却乾坤了也山河大地甚處得來師或畫圓相云還有人出得麼舉教云是法住法位世間相當住師云釋迦老子甚處去也

舉僧問投子如何是此經投子云維摩法華又問塵中不染丈夫兒時如何投子云不著師云不喚作法身不喚作第一義亦爲說法亦爲說真空師因齋次拈起匙筋云我不供養南僧祇供養北僧時有僧問爲什麼不供養南僧師云我要鈍置伊僧云爲什麼

祇供養北僧師云一箭兩垛有僧拈問祇如前意作麼生師云好卽同榮師或時以柱杖打露柱一下云三乘十二分教說得著麼自云說不著復云咄這野狐精僧問祇如師意作麼生師云張公喫酒李公醉舉古云有驚人之句僧問如何是驚人之句師云響舉國師云語漸也返常合道論頓也不留朕跡師云拈槌豎拂彈指時節若檢點來也未是無朕跡師有時拈拄杖云乾坤大地殺活總在這裏僧便問如何是殺師云七顛八倒僧云如何是活師云要作飯頭僧云不殺不活時如何師便起云摩訶般若波

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

漢述

五家詩錄

羅蜜師有時云遇人卽途中受用乃拈起拄杖云拄杖不是途說話不是途舉法身喫飯幻化空身卽法身師云乾坤大地何處有也物物不可得以空嘆空若約點檢來將謂合有與麼說話舉應化非真佛亦非說法者師云應化之身說卽是法身說亦喚作覲體全真以法身喫法身又云飯不是法身拄杖不是法身師有時云宗門七縱八橫殺活臨時僧便問如何是殺師云冬去春來僧云冬去春來時如何師云橫擔拄杖東西南北一任打野裡

示衆云任你橫說豎說未是宗門苗裔若據宗門苗

裔是甚熱椀鳴三乘十二分教說夢達磨西來說夢若有老宿開堂爲人說法將利刀殺却百千萬箇有什麼過又云將謂合有與麼說話底道理師一日云拈槌豎拂彈指揚眉一問一答並不當向上宗乘僧便問如何是向上宗乘師云地下閻浮大家總道得祇如閻市裏坐朝時猪肉案頭茆坑裏蟲子還有超佛越祖之談麼僧云有底不肯師云有底不肯不可商量時便有不商量時便無也若約那箇語話體上會事直言未到見解偏枯師有時云我尋常道一切聲是佛聲一切色是佛色盡大地是法身枉作箇佛

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

法中見如今見拄杖但喚作拄杖見屋但喚作屋師
有時云作而無作用而無用乃拈起拄杖云不是用
而無用喚什麼作拄杖 舉丹霞云百骸俱潰散一
物鎮長靈師云拄杖不可不靈也喚什麼作百骸甚
處得來 舉一切賢聖皆以無爲法而有差別師云
拄杖不是無爲法一切不是無爲法 舉誌公云雞
鳴丑一顆圓光明已久師云腦後卽不問你三千里
外道將一句來 舉睦州喚僧趙州喫茶入水之義
雪峰輶毬歸宗拽石經頭以字國師水椀羅漢書字
諸佛出身處東山水上行總是向上時節

示衆云直得觸目無滯達得名身句身一切法空山
河大地是名名亦不可得喚作三昧性海俱備猶是
無風匝匝之波直得忘知於覺覺卽佛性矣喚作無
事人更須知有向上一竅在師有時云一切處無不
是說法打鐘打鼓時不可不是若與麼一切處亦不
是有一切處亦不是無又云不可說時卽有不說時
便無也若約提唱卽未在爲人門中卽得 舉生死
涅槃合成一塊乃拈起扇子云是什麼不是合成一
塊得與麼不靈利直饒與麼也是鬼窟裏作活計
舉僧問南泉牛頭未見四祖時爲什麼百鳥銜花獻

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 100 1 2 3 4 5 6 7 8 9 110 1 2 3 4 5 6 7 8 9 120 1 2 3 4 5 6 7 8 9 130 1 2 3 4 5 6 7 8 9 140 1 2 3 4 5 6 7 8 9 150 1 2 3 4 5 6 7 8 9 160 1 2 3 4 5 6 7 8 9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220 1 2 3 4 5 6 7 8 9 230 1 2 3 4 5 6 7 8 9 240 1 2 3 4 5 6 7 8 9 250 1 2 3 4 5 6 7 8 9 260 1 2 3 4 5 6 7 8 9 270 1 2 3 4 5 6 7 8 9 280 1 2 3 4 5 6 7 8 9 290 1 2 3 4 5 6 7 8 9 300 1 2 3 4 5 6 7 8 9 310 1 2 3 4 5 6 7 8 9 320 1 2 3 4 5 6 7 8 9 330 1 2 3 4 5 6 7 8 9 340 1 2 3 4 5 6 7 8 9 350 1 2 3 4 5 6 7 8 9 360 1 2 3 4 5 6 7 8 9 370 1 2 3 4 5 6 7 8 9 380 1 2 3 4 5 6 7 8 9 390 1 2 3 4 5 6 7 8 9 400 1 2 3 4 5 6 7 8 9 410 1 2 3 4 5 6 7 8 9 420 1 2 3 4 5 6 7 8 9 430 1 2 3 4 5 6 7 8 9 440 1 2 3 4 5 6 7 8 9 450 1 2 3 4 5 6 7 8 9 460 1 2 3 4 5 6 7 8 9 470 1 2 3 4 5 6 7 8 9 480 1 2 3 4 5 6 7 8 9 490 1 2 3 4 5 6 7 8 9 500 1 2 3 4 5 6 7 8 9 510 1 2 3 4 5 6 7 8 9 520 1 2 3 4 5 6 7 8 9 530 1 2 3 4 5 6 7 8 9 540 1 2 3 4 5 6 7 8 9 550 1 2 3 4 5 6 7 8 9 560 1 2 3 4 5 6 7 8 9 570 1 2 3 4 5 6 7 8 9 580 1 2 3 4 5 6 7 8 9 590 1 2 3 4 5 6 7 8 9 600 1 2 3 4 5 6 7 8 9 610 1 2 3 4 5 6 7 8 9 620 1 2 3 4 5 6 7 8 9 630 1 2 3 4 5 6 7 8 9 640 1 2 3 4 5 6 7 8 9 650 1 2 3 4 5 6 7 8 9 660 1 2 3 4 5 6 7 8 9 670 1 2 3 4 5 6 7 8 9 680 1 2 3 4 5 6 7 8 9 690 1 2 3 4 5 6 7 8 9 700 1 2 3 4 5 6 7 8 9 710 1 2 3 4 5 6 7 8 9 720 1 2 3 4 5 6 7 8 9 730 1 2 3 4 5 6 7 8 9 740 1 2 3 4 5 6 7 8 9 750 1 2 3 4 5 6 7 8 9 760 1 2 3 4 5 6 7 8 9 770 1 2 3 4 5 6 7 8 9 780 1 2 3 4 5 6 7 8 9 790 1 2 3 4 5 6 7 8 9 800 1 2 3 4 5 6 7 8 9 810 1 2 3 4 5 6 7 8 9 820 1 2 3 4 5 6 7 8 9 830 1 2 3 4 5 6 7 8 9 840 1 2 3 4 5 6 7 8 9 850 1 2 3 4 5 6 7 8 9 860 1 2 3 4 5 6 7 8 9 870 1 2 3 4 5 6 7 8 9 880 1 2 3 4 5 6 7 8 9 890 1 2 3 4 5 6 7 8 9 900 1 2 3 4 5 6 7 8 9 910 1 2 3 4 5 6 7 8 9 920 1 2 3 4 5 6 7 8 9 930 1 2 3 4 5 6 7 8 9 940 1 2 3 4 5 6 7 8 9 950 1 2 3 4 5 6 7 8 9 960 1 2 3 4 5 6 7 8 9 970 1 2 3 4 5 6 7 8 9 980 1 2 3 4 5 6 7 8 9 990 1 2 3 4 5 6 7 8 9 1000 1 2 3 4 5 6 7 8 9

南泉云步步蹋佛階梯僧云見後爲什麼不銜花獻
南泉云直饒不來猶較王老師一線道師云南泉祇
解步步登高不解從空放下僧云如何是步步登高
師云香積世界僧云如何是從空放下師云填溝塞
壑師有時云若問佛法兩字東西南北七縱八橫朝
到西天暮歸唐土雖然如此向後不得錯舉 舉祖
師偈云心隨萬境轉轉處實能幽僧問如何是轉處
實能幽師云吃喫舌頭老僧倒走三千里又問如何
是隨流認得性師云餛頭餳子摩訶般若波羅蜜
舉玄沙與韋監軍茶話次監軍云占波國人語話稍
難辨何況五天梵語還有人辨得麼玄沙提起托子
云識得這箇卽辨得師云玄沙何用繁辭又云適來
道什麼又云有什麼難辨 舉古人云以空名名空
色師云拄杖不是空名名得不是空色喚什麼作拄
杖不是空名因南泉示衆云自小養一頭水牯牛擬
向溪東放不免食他國王水草擬向溪西放不免食
他國王水草不如隨處納些些他總不見復有僧舉
似師師云南泉水牯牛隨處納些些你道在牛內納
牛外納直饒你向這裏說得納處分明我更問你索
牛在後長慶云你道古人前頭爲人後頭爲人 舉

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

卷之三

三

王大王向雪峰道擬蓋一所佛殿去如何雪峰云大王何不蓋取一所空王殿大王云請師樣子雪峰展兩手師云一舉四十九舉報慈讚龍牙像云日出連山月圓當戶不是無身不欲全露有僧問請師全露龍牙撥開帳子云還見麼僧云不見龍牙云將眼來後報慈聞舉云龍牙祇道得一半師令僧舉我與你道其僧便舉師云我不妨與你道師有時云諸方盡向繩墨裏脫出我這裏卽不然僧問未審和尚如何師云草鞋三十文買舉攬真成立色相宛然一切法不遷僧便問作麼生是不遷師云還見燈籠麼

僧云見師云靜處薩婆訶示衆云你等諸人每日上來下去問訊卽不無若過水時將什麼過有久住僧對云步師深喜之舉僧辭大隨大隨問什麼處去僧云峨嵋禮拜普賢去大隨拈起拂子云文殊普賢總在這裏其僧畫一圓相拋向背後却展兩手大隨云侍者將一貼茶來與這僧師舉了云我卽不與麼有僧云和尚又如何師云西天斬頭截臂這裏自領出去舉黃檗一日舉手作捏勢云天下老和尚總在這裏我若放一線道從汝七縱八橫若不放過不消一捏僧問放一線道時

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

如何築云七縱八橫又問不放過不消一捏時如何
築云普復有僧問師如何是七縱八橫師云念老僧
年老僧云如何是普師云天光廻照僧云如何是天
光廻照師云骼齒少人知師有時云一顆圓光明已
久還有人問麼僧便問如何是一顆圓光明已久師
云西天斬頭截臂又云除却須彌山拈却佛殿脊師
一日披袈裟云我抖擻法身也總無對師云汝問我
僧便問和尚抖擻法身意旨如何師云我也知你親
舉玄沙示衆云諸方老宿盡道接物利生忽遇三
種病人來作麼生接患盲者拈槌豎拂他又不見患
聾者語言三昧他又不聞患瘡者教伊說又說不得
且作麼生接若接此人不得佛法無靈驗有僧請益
師師云你禮拜著僧禮拜起師以柱杖便桎僧退後
師云你不是患盲復喚近前僧近前師云你不是患
聾乃豎起柱杖云還會麼僧云不會師云你不是患
瘡其僧於此有省 舉古云一言纔舉大地全收師
云且道是什麼言自云春鳥啼時西嶺上遂令僧你
問我僧便問是什麼言師云噫 舉馬大師云一切
語言是提婆宗以此箇爲主師云好語祇是無人問
僧便問如何是提婆宗師云西天九十六種你是最

1 2 3 4 5 6 7 8 9 180 1 2 3 4 5 6 7 8 9 190

下種 舉肇法師云諸法不異者不可續鳬截鶴夷
獄盈壑然後爲無異者哉師云長者天然長短者天
然短又云是法住法位世間相當住乃拈起拄杖云
拄杖不是常住法 舉古云一念劫收一切智師拈
起拄杖云乾坤大地總在上頭若透得去拄杖也不
見有直饒與麼也是不著便 舉須菩提說法帝釋
雨華尊者問云此華從天得耶帝釋云弗也從地得
耶帝釋云弗也從人得耶帝釋云弗也從何得耶帝
釋舉手尊者云如是如是師云帝釋舉手處作麼生
與你四大五蘊釋迦老子同別 舉世尊初生下

手指天一手指地周行七步目顧四方云天上天下下
唯我獨尊師云我當時若見一棒打殺與狗子喫却
貴圖天下太平 舉禾山示衆云有作家戰將麼出
來時有僧出云未審彼中還有也無師云格 舉僧
問雪峰佛未出世時如何雪峰按拄杖而坐師云常
舉德山問維那有幾人新到維那云八人德山云
喚典座來一時生按過師拈云更說什麼生按過
舉雪峰勘僧什麼處去僧云識得卽知去處雪峰云
你是了事人亂走作什麼僧云莫塗汙人好雪峰云
我卽塗汙你古人吹布毛作麼生與我說來看僧云

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

殘羹餽飯已有人喫了也師別前語云築著便作屎
臭氣代後語云將謂是鑽天鵝子元來是死水裏蝦
蟆舉韶山勘僧云莫便是多口白頭因麼因云不
敢韶山云有多少口因云徧身是韶山云大小二事
向甚處屙因云向韶山口裏屙韶山云有韶山口卽
向韶山口裏屙無韶山口向甚處屙因無語韶山便
打師代云這話墮阿師放你三十棒又代云將謂是
師子兒又云韶山今日瓦解水消舉僧到曹溪有
守衣鉢上座提起衣云此是大庾嶺頭提不起底僧
云爲什麼在上座手裏上座無語師云彼彼不了師

代云遠嚮不如親到又云將謂是師子兒舉睦州
問僧莫便是清華嚴麼僧云不敢睦州云夢見華嚴
麼僧無語師云門前大狼籍生舉湖南報慈垂語
云我有一句子徧大地僧便問如何是徧大地底句
報慈云無空缺師云不合與麼道別云何不菴外問
舉南泉示衆云昨夜三更文殊普賢相打各與二十
株貶向二鐵圍山趙州出衆云和尚棒教誰喫南
泉云王老師有什麼過趙州便禮拜師代云深領和
尚慈悲某甲歸衣鉢下得箇安樂舉崇壽見僧做
猢猻次隔窓問云你還見我麼僧云不見崇壽云還

170123456789180123456789190123456789

撰述

我餉餅錢來僧無語師代云和尚禮拜餅鑪好舉僧問趙州如何是妙峰頂趙州云不答你這話僧云爲什麼不答趙州云我若答落在平地師代云俱胝和尚舉長慶見僧來云何得無禮師代云某甲罪過又云甲辰乙巳舉長慶問秀才云佛教云衆生日用而不知儒書亦日用而不知不箇什麼秀才云不知大道師云炳然不知舉僧問睦州靈山還有蛇不睦州云這蛇蚯師代云白骨連山舉長慶拈拄杖云識得這箇一生參學事畢師云識得這箇爲什麼不住舉雲廁掃地次道吾云何得太區

區生雲巖云須知有不區區者道吾云與麼則第二月也雲巖豎起掃帚云這箇是第幾月道吾拂袖出去師云奴見婢慇懃舉仰山問俗官云官居何位官云推官仰山乃豎起拂子云還推得這箇麼官無諱師代云久嚮和尚舉僧到翠巖值翠巖不在乃下看主事主事云叅見和尚也未僧云未主事却指狗子云要見和尚但禮拜這狗子僧無語後翠巖歸聞此語云作麼生道免得與麼無語師代云欲觀其師先觀弟子舉座主就華嚴講請翠巖齋翠巖云山僧有箇問座主若道得卽齋翠巖便拈起餉餅云

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

還具法身麼。座主云具法身翠巖云與麼則喫法身也。座主無語。本講座主代云有什麼過翠巖不肯東使云諾諾。師代云特謝和尚降重空筵。舉雪峰示衆云世界闊一丈古鏡闊一丈世界闊一尺古鏡闊一尺玄沙。指面前火鑪云火鑪闊多少雪峰云似古鏡闊玄沙云這老漢脚跟未點地在後東使拈問僧爲復古鏡致火鑪與麼大火鑪致古鏡與麼大西院云與麼問人也未可在師云餽飯泥茶鑪。舉僧問雲居山河大地從何而有。雲居云從妄想有僧云與某甲想出一錠金得麼。雲居便休去。僧不肯。師聞得云已。葛藤不能折合得。待伊道想出一錠金得麼拈拄杖便打。舉閩中韋監軍尋常見僧云某甲待官滿山。出江西湖南置一問。問殺江西湖南老宿僧云監軍作麼生問。監軍云不勞手腳。僧無語。師代云話墮也。又云伏惟尚饗。舉王太傅問北院云古人道普現色身徧行三昧。佛法爲什麼不到北俱盧洲北院云祇爲徧行所以不到。師云加法置一問來。舉王太尉入佛殿。指鉢盂問僧。這箇是什麼。鉢僧云藥師鉢。太尉云祇聞有降龍鉢。僧云待有龍卽降。太尉云忽遇擎雲捲浪來。又作麼生。僧云他亦不顧。太尉

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

云話墮也玄沙云盡你神力走向什麼處去保福云歸依佛法僧百丈作覆鉢勢卽云他日生天莫辜負老僧 舉地藏問崇壽你久後將什麼利濟於人崇壽云無不利濟地藏云無一法得利濟師云直饒與麼也好喫棒又云當時但喚近前來已後教伊無鶲啄處 舉泉州王太傅問僧上座住甚處僧云半月山太傅云忽遇月頭月尾又作麼生僧無語師代云將謂與麼更有與麼 舉龍牙尋常道雲居師兄得第二句我得第一句西院云祇如龍牙與麼道還扶得也無師云須禮拜雲居始得西院云傍觀者哂

舉崇壽問僧還見燈籠麼僧云見崇壽云兩箇師代云三頭兩面又云七箇八箇

垂示代語

師因不安云打草鞋行腳去僧無對師云汝問我與汝道僧便問和尚什麼處去師云四維上下對機設教去代前語云和尚宜喫薑附湯

上堂云劄久雨不晴代云一箭兩垛或云遇賤卽貴遇明卽暗代云一起一倒一日云咬齒一句作麼生道代云合或云初秋夏末責情三十棒代云某甲如是問僧新羅國與大唐國是同是別代云僧堂佛

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

殿厨庫三門

上堂云教意提不起過在什麼處代云爲你蝦蟆活上堂云你道古佛與露柱相交是第幾機僧無對師云汝問我與汝道僧便問師云一條條三十文代前語云南山起雲北山下雨僧又問作麼生是一條條三十文師云打與一日云商量舉覺箇什麼代云鹽貴米賤或云佛法兩字拈却成得箇什麼代云死蝦蟆或云佛法不用學燈籠露柱欺你去作麼生得不欺你去代云趙州南石橋北一日云古人面壁閉却門還透得這裏麼代云這裏是什麼乾屎橛又

云一或云搬柴來去行住坐臥四威儀中還出得釋迦老子臭孔麼代云和尚也是量才補職師或舉手云古佛爲什麼不到這裏代云不可降尊就卑因僧設報慈和尚齋師問僧汝道報慈和尚有幾身代云今日齋飯如法問僧搬柴來去普賢菩薩在什麼處代云搬柴早是辛苦

上堂大衆集定云是大過患仔細點檢代云不用別人問僧世間是什麼人罪最重代云平出一日云古人道一句合頭語萬劫繫驢橛作麼生明得免此過代云趙州石橋嘉州大像或云虛空還有長短也

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

無代云這箇師僧得與麼肥這箇師僧得與麼瘦
一日云常徒之見過在什麼處代云洎作過中會
上堂大衆集定云有理不伸死而不弔有理能伸罕
遇奇人置將一問來代云過師有時問僧作麼生代
云少喫或云是你諸人繞天下行脚不知有祖師意
露柱却知有祖師意你作麼生明得露柱知有祖師
意代云九九八十一

示衆云一舉不再說作麼生是一舉又云你若不相
當且覓箇入頭路微塵諸佛盡在你舌頭上三藏聖
教在你脚跟下不如悟去好還有人悟得麼出來道

看代云養子之緣代前語云長安雖樂

上堂大衆集定云風不來樹不動便下座代云樹折
船沉或云第一句作麼生道若道不得作麼生得心
息代云和尚莫要草鞋拄杖麼 一日云從上古人
作麼生辨人代云城地因君置師因摘茶云摘茶辛
苦置將一問來僧無對又云你若道不得且念上大
人更不相當且順朱代云功不浪施代前語云勞而
無功或云今日二十七拈向什麼處代云壁上挂問
僧三乘十二分教什麼人承當得代云沙彌童行
一日云汝作麼生辨得無礙法代云閑家具或云還

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

有句內藏身麼代云領 一日云京華還有棟梁也
無代云家家觀世音或云不相當且順朱識取好代
云因學人置得

示衆云劄卽難七九六十三作麼生道代云不可總
無人去也又云泊合向後道師或云日裏來往日裏
辨人忽然中夜教取箇物來未曾到處作麼生取代
云瞞却多少人

示衆云看看佛殿入僧堂裏去也代云羅浮打鼓韶
州舞

上堂拈起柱杖云看看三千大千世界一時搖動便

下座代云拽 一日云作麼生是雙明一句代云一
箭兩垛或云作麼生是不瞞人底句代云莫道這箇
是瞞人底 一日云泥水不分過在什麼處代云昨
日莫徭人設齋或云日裏來往總識你作麼生是影
身一句代云某甲亦見日頭從東邊上 一日云盡
力作麼生道代云五箇餽餅三椀茶或云作麼生是
平伸一問代云便摑傍僧 一日云空不異色作麼
生道代云園頭甚要或云作麼生是不沉影底句代
云現

上堂大衆集師良久云久雨不晴代云一槌兩當益

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

覆將來 一日云教中有言謗斯經故獲罪如是拈
却當門齒將經來代云不空骨索或云你多年在叢
林裏乃舉手便放下云向後不得與麼代云若與麼
便成辜負和尚 一日云昨日有一句語不敢望你
會還有人舉得麼代云驕又云走殺多少人

上堂大衆集定云總上來也各自東行西行便下座
代云不少或云古人一言悟道觸緣見性拈起作麼
生商量代云雲居鼓上藍鐘 一日云日裏來往上
上下下一問一答住汝當荷夾差一問來作麼生當
荷代云謂言侵早起更有夜行人又云一起一倒又

云生在冀州

上堂云乾坤側日月星辰一時黑作麼生道代云好
事不如無師因說事了起立以拄杖打禪牀一下云
適來如許多葛藤貶向什麼處去靈利底卽見不靈
利底著我熟瞞代云雪上加霜

示衆云日月傍照三天下正照四天下我與你注破
了也一句道將來代云東弗于代西瞿耶尼或云佛
法不用道著世間什麼物最貴代云莫道這箇是賤
底又云乾屎橛 一日云今日十五入夏也寒山子
作麼生代云和尚問寒山學人對捨得或云你者

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

王蒙詩集

卷一

傍家行脚還識西天二十八祖麼
代云坐底坐臥底臥又云少喫因齊次指白甕器云這箇知有超佛越祖之談
代云五九四十五又云和尚自喫飯一日云是你傍家行脚作麼生是不落賓主底句道
代云便出去或云是你師僧在江西湖南所在過夏衣鉢分付什麼人了來代云不是瞞却一人來又云不作大人相一日云非貴賤據什麼代云鯁跳不出斗

勢一日云我每日共你葛藤不能到夜如今在這裏置將一問來代云祇恐和尚不答或云作麼生是腳跟下一句代云有麼師或問僧你爲什麼帶累我代云某甲帶累和尚或云作麼生出得這裏代云朝遊羅浮暮歸檀特一日云明已底人還見有已麼代云把將來又代展兩手或云作麼生是感舌一句代云和尚祇待某甲道一日云你師僧繞天下行腳見老和尚開口便上來東聽西聽何不向洗鉢盂處置將一問來代云也知和尚爲物之故因見火頭云你辛苦我賞你這箇拄杖子吞却祖師也火頭無

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

對代云功不浪施又云禍不單行師因披衲衣云古
人道披衣蓋乾坤乃拈起衲衣抖擻云北斗一時黑
作麼生代云也知和尚出身早又云不道與麼去或
云佛法還有變易也無代云鉢盂鞋履拄杖針筒
一日云佛法拈却我不問你還有識世諦法麼代云
某甲若道有被和尚領過或云摩尼顯正過在什麼
處代云有什麼過

示衆云大衆函蓋乾坤目機銖兩不涉春緣作麼生
承當代云一鎌破三關師或云南來北往飛禽走獸
爲什麼却有異代云辨却多少人或云你諸人擔鉢
囊行脚不知有佛法佛殿上蚩吻却知有佛法代云
佛殿裏裝香三門外合掌師或以拄杖一劃云微塵
諸佛盡在這裏還辨得盡麼代云日出東方夜落西
一日云作麼生是扣門一句代云打或云迷本底
人觸途俱滯悟本底人爲什麼有四大見代云益州
附子建州薑師或云你諸方愛答話還有透不得底
句麼代云來或云達磨西來爲什麼難得兒孫代云
放師因說事了起立云你諸人忽然今夜總悟去早
起將刀截却我頭我說了也乃拈衲衣抖擻云作麼
生代云學人不得辜負和尚或云口祇堪喫飯你道

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

古人拈槌監拂揚眉動目作麼生辨代云鴻山笠子江西別又云龍頭蛇尾或云佛法中菩提涅槃真如解脫並爲增語汝道世諦以何爲增語代云鬧市裏一箇兩箇又云菩提涅槃師或云古人道觸目是道拈却齧甕阿那箇是道衆無對師云蒼天蒼天代前語云是什麼心行或云見卽不可仔細看代云長安雖樂

示衆云十五日已前不問你十五日已後道將一句來代云日日是好日

上堂良久云鈍置殺人便下座代云不獨因看誌公

頌問僧半夜子心住無生卽生死古人意作麼生代云不可總作野狐精見解也或云古人道人人盡有光明在看時不見暗昏昏作麼生是光明代云厨庫三門又云好事不如無一日云佛法太煞有極是舌頭短代云長也又云大斧斫了手摩拶師齋次問僧應是從前叢林學得底言語總拈却你道我飯作麼生滋味代云菜裏少鹽醋或云是你諸人行脚須知有隔身句作麼生是隔身句代云初三十一或云大智非明眞空絕跡還有人明得這箇道理麼若有人大明得出來道看代云惺問僧常徒底人過在什麼

170 1 2 3 4 5 6 7 8 9 180 1 2 3 4 5 6 7 8 9 190

處你與我拈出來代云不可平地生堆阜又云和尚
佛法身心何在或云一言纔舉千差同轍是什麼言
代云如是我聞又云要道有什麼難因見狗子乃打
一下云你爲什麼咬這露柱代云但以脚趨狗子便
去 舉華嚴經云金色光明雲青色光明雲你道我
尋常還有這箇時節麼代云亦不得屈著和尚因開
法堂門云作麼生是入門一句有僧云諾師云漆桶
僧無對代云掩面出去代後語云道著一日衆集
定云莫錯認一着便下座代云謝和尚重重相爲或
云是你諸人行腳須知有入頭路還有人道得麼出
來道看代云也不得辜負和尚

示衆云中有一寶祕在形山拈燈籠向佛殿裏將三
門來燈籠上作麼生代云逐物意移又云雷起雲興
一日云宗門作麼生舉令代云吽師或云阿耶耶
新羅國裏打鐵火星燒著我指頭自代云非但指頭
師或云從上祖師三世諸佛說法山河大地草木爲
什麼不省去代云新到行人事又云和尚京中喫麪
多師或云萬法耘耘三世諸佛天下老和尚一時出
頭過在什麼處代云著什麼來由 一日云忽然有
一箇老宿把弓刀按劔入地獄如箭射還有人會得

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

這箇時節麼代云鑰匙在和尚手裏或云古人道難得不錯怪人句作麼生是不錯怪人句代云爭塞得人口一日云眼睫橫亘十方眉毛上透乾坤下透黃泉須彌塞却你咽喉還有人會得麼若有人會得拽取占波共新羅鬪額代云晒或云古人道聲香味觸常三昧我與你葛藤乃拈拄杖云這箇拄杖子是三昧你若識得拄杖子卽識得天下老宿又云你若識得拄杖子未夢見天下老宿脚跟下一莖毛代云和尚不使別人一日云一箭兩朵作麼生代云長安雖樂或云日謝樹無影這箇是佛殿那箇是無影代云洎分南北一日云作麼生道得不落第二問代云洪州鞋履一日拈起拄杖云解脫深坑跨跳代云出或云一語明得不要分外代云將謂是天地師或云塵無自性攬真成立作麼生是成立底事代云五尺拄杖三尺竹一日云說卽天地懸殊不說卽眼睫裏藏身眉毛上跨跳代云三三或云古人道一語無二語作麼生是一語代云早朝粥齋後茶師或拈起拄杖云是你諸人作麼生辨雲門雲門作麼生辨你諸人代云平問僧佛法還有青黃赤白也無代云東方甲乙木西方庚辛金一日云作麼生是

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

塵中辨主代云道州去江華不遠師或云有一人問著口似木桺有一人問著口似懸河你道二人過在甚處代云有卽拈出

示衆云叢林言話卽不要作麼生是宗門自己代云但展兩手或云迷身一句作麼生道代云何處有也或云目前不溺作麼生道代云下不舉上

示衆云江西卽說君臣父子湖南卽說他不與麼我此間總不如是你還識壁麼代云何異

一日云作麼生是不續再問代云秋風過去春風至因齊時聞鼓聲師云釋迦老子叫喚也時有僧問未審釋迦老

子叫喚作麼師云你與麼驢年夢見麼代云今日喫飯甚是遲或云我今年老七十八也所作事難也良久問僧你道淨瓶年多少僧無對代云甲子會

日云靈利底人難得作麼生是靈利底人代云不妨或云問一答十問十答百底人從什麼處來代云西京來

一日云會佛法底人共什麼人語話代云行者問僧云三藏聖教天下老和尚言語總拈却蝦蟆口裏道將一句來代云昨日新雷起師舉古人道讀經千遍紙上見經不識忽然國師問你作麼生又云忽然國師拈起作麼生代前語云唵代後語云朝看

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

華嚴夜讀般若或云凡有請問不得離於祇對作麼生道代云路逢劔客須呈劔 一日云作麼生是一句通褒貶代云雖是善因而招惡果或云行住坐臥著衣喫飯是法身那箇是你四大代云和尚今年年尊 一日云你若辨我我辨你是尋常更有一條作麼生辨代云識或云節角語須是箇人始得作麼生是節角語代云摩斯吒落水 一日云繞天下行腳辨人底人你道具什麼眼代云聽水

上堂云爲衆竭力禍出私門代云衆禍已除或云照盡一句作麼生道代云某甲不欲開蝦蟆口師在餽餅寮喫茶云不向汝道罪過僧無對復云第一須忌火便起去代云大衆不得辜負和尚師或云佛法太煞有極是灸瘡痛代云灸瘡痛猶可 一日云臨坑不損人代云也是又云某甲識好惡或云古人道舉卽易作麼生代云以貌取人 一日云驀點是什麼時節代云不可道是蝦蟆蛤蟆或云不是雲門罪過便起去代云事不孤起師或云已事若明始消他供養作麼生是你明底事又云舉一明三萬里崖州代

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

三才詩金

卷之二

云一切由和尚代前語云飽師或拈起拄杖問僧這
箇汝不得道著作麼生是衲僧孔竅僧無對又云你
若道不得向臭孔裏道將一句來代云新羅火鐵鄆
州針又云疋上不足因僧來參師拈起袈裟云你若
道得落我袈裟縗續裏你若道不得又在鬼窟裏坐
作麼生代云某甲無氣力或云不明巴底人過在什
麼處代云大人不合如此一日云放下一句無不
盡代云養子之緣或云不用指東劃西什麼人會佛
法代云三家村裏老翁婆一日云你若衣鉢下坐
縛殺你你若走上來走殺你作麼生是不停之句代

云速或云新羅國裏置將一問來代云便請一日
云萬法從甚處起代云糞堆頭師或云第一句作麼
生道你若明得陝府鐵牛吞却乾坤代云謝和尚重
相爲一日云作麼生是問中具眼代云瞽

示衆云舉一不得舉二你若舉二放你舉三代云開
師或云天堂地獄餽湯鑪炭蓋却你頭三世諸佛總
在你脚跟下三十年後臭孔遼天代云不可更作野
狐精見解也一日云五音六律是有是無代云不
可蝦蟆窟裏作活計師或云一句該通五千餘首蘇
嚕薩訶代云三門頭打鼓佛殿裏行香師或云如今

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

半夏也敲磕處道將一句來師復云蜜怛哩孤蜜怛哩智又云蜜怛哩孤蜜怛哩智作麼生代云啞啉又云磕一日云三十年後會去在代云黠兒落節或云頭上霹靂卽不問你脚下龍過道將一句來代云朝起雲夜降雨師問僧德山便棒你道學人還有長處也無代云無端一日云一切智智清淨中還有生滅麼代云夜叉說半偈或云若知去處什麼劫中無祖佛代云發

示衆云作麼生是不露鋒骨句代云今時人須是明向道始得師乃有頌不露鋒骨句未語先分付進

步口喃喃知君大罔措或云十方國土中唯有一乘法你道自己在一乘法裏一乘法外代云入又云是一日云紐半破三針筒臭孔裏道將一句來代云海裏使風山上船或云折半列三針筒臭孔在什麼處與我箇箇拈出來看代云上中下或云分疆列土作麼生道代云文殊自文殊解脫自解脫師或云衲僧須得巴鼻卽識得天下人作麼生是衲僧巴鼻代云德山棒

示衆云淺聞卽深悟深聞卽不悟代云迷逢達磨或云衲僧須識古人眼作麼生是古人眼代云蝦蟆跳

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

上天 一日云處處道將一句來代云鬧市裏天子
 百草頭上老僧或云暗道將一句來代云藏頭露尾
 一日云將南作北將北作南作麼生道代云由阿
 誰或云未打板已前道將一句來代云著什麼來由
 一日云以有爲有作麼生免得去代云患師或云
 解患非患明得了作麼生是眼代云晝見日夜見星
 一日云明暗爲什麼不相管代云難爲怪笑或云
 過在什麼處得與麼難代云辨 一日云渺漫不分
 是什麼人分上事代云不可作沙彌行者見解也師
 或拈起柱杖云莫道老和尚瞞你貴之與賤縱橫十

字一時這裏會得了莫辜負老僧代云百鳥爲子屈
 又云抑與之與師或云見麼自云見又云見什麼代
 云花師舉古人云至道無難唯嫌揀擇這箇是僧堂
 這箇是佛殿那箇是不揀擇代云何必如此師或云
 全抽半抽作麼生道復云作麼生是半抽代云跳出
 死蝦蟆又云作麼生是全抽代云案山雷主山雨師
 或云你自鈍置第一不得錯舉代云事不孤起一
 日云識得道得出來道看話端道什麼代云識罪或
 云作麼生是不再問底句代云今年春氣早夜來陽
 鳥啼又云佛殿裏裝香三門前合掌 一日云入夏

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述一

五言詩錄

卷一

來十一日也還得入頭麼作麼生道代云來日十二
師因喫茶拈起茶蓋云一口吞盡作麼生代云茶又
喫却

示衆云西天二十八祖唐土六祖天下老和尚總出
頭來過在什麼處又云你在此間三冬兩夏忽然出
外有人問雲門老和尚道什麼你向他道什麼代云
驀面唾這野狐精代前語云他不是顛或云古人道
從門入者非寶作麼生是門代云道得也無用處因
聞鼓聲云鼓聲咬破七條又指僧云抱取貓兒來代
云不用別人師問僧行脚事卽不問汝三十二相八

十種好道將一句來還有人道得麼代云怛薩阿竭
二千年師或云不問汝叢林言教這箇是天這箇是
地以手指身云這箇是我又指露柱云這箇是露柱
那箇是佛法代云也大難師在僧堂中喫茶拈起托
子云蒸餅饅頭一任汝喫你道這箇是什麼代云乾
狗屎又云茶又喫了也師或云你還識德山麼莫道
我壓良爲賤代云也知和尚因某甲置得師聞齋鼓
聲云你道鼓因什麼置得代云因皮置得師聞齋鼓
聲云你還識得老婆禪麼代云鼓聲喚喫飯去
一日云古人道巧拙具生殺作麼生是生殺代云疋上

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

換述

不足疋下有餘

上堂大衆集已師云大衆齋去却問僧你道我教伊去還有過也無代云也不是和尚特地如此師行次以柱杖打露柱一下云新羅天子跨跳上梵天代云無端師或云世諦不要道佛法道將一句來代云父子之情一日云通明底人什麼物與麼來代云莫教屈著人又云釋迦老子須彌山或云古人道朝朝抱佛眠起時還共起你道見解朦朧底人作麼生代云未到問僧云眼中無色識識中無色眼色眼二俱無何能令見色去却古人道將一句來代云把將饅

頭蒸餅來又云雪上更加霜又云有什麼師或云幡竿頭倒卓是第幾機代云打一日云學佛法底人如恒河沙百草頭上道將一句來代云俱師因出門云古人道從門入者非寶汝道從門出者作麼生代云一師入堂齋次指聖僧供鉢問僧云你若喫盡又在解脫深坑裏你若喫不盡又不唧溜作麼生代云大衆喫飯次

上堂云割斷卽不可復云你若不會三十年後莫道不見老僧代云和尚恐人埋沒代前語云今日上堂大衆著便師或以柱杖打露柱一下云你作麼生不

170123456789180123456789190123456789

撰述

五言詩錄

卷二

說禪復云埋沒人家男女衆無對自云擔枷過狀自代前語云爭怪得別人師或云湖裏魚變成龍卽不問你作麼生是針眼魚代云點師聞打槌聲云妙喜世界百雜碎擎鉢孟向湖南城裏喫粥代云浴後喫一日云什麼語中無世諦什麼語中無地獄代云天晴日出雨下雷興或云平常心是道你平常道將一句來代云五箇餉餅三箇饅一日云一句辨邪正忽有人問作麼生是辨邪正底句你作麼生道代云西天與此土不同或云今日已前不要今日已後不要正當今日道將一句來代云正好師或云病遇

因卽瘥你道遇什麼因道得底道看代云尚或云鉢孟匙筋與露柱相去多少代云分開好又云尋常得此便一日云當鋒一句作麼生道代云領或云作麼生是辨慈風一句代云識取好一日云迷身一句作麼生道代云昨日雷聲起今朝陽鳥啼師或云不用跨跳道將一句來代云死蛤蟆也無用處一日云作麼生是提婆宗代云西天令嚴此土還較或云汝道何物具四德代云死貓兒又云把不具底來或云有一切見底人是什麼人代云三家村裏納稅

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

漢 一日云不占田地道將一句來代云總屬和尚或云倒道將一句來看代云訶薩 一日云息節一句作麼生道代云知時好師或云天下亂走將什麼過水代云且曬著師或時拈拄杖作射勢云官家進器械來也看看代云和尚不得放過又云僧堂前師或云一夜展腳睡天明道將一句來代云何不快起或云作麼生是赤脫一句代云也大無端 一日云以有爲有此人過在什麼處代云苦或云還有不識祖師底人麼代云仁義道中又云不患 一日云識過無過不識過過也不知代云熱或云曹溪路上還

有俗談也無代云二事一時 一日云佛法外置將一問來代云一箇便多或云旣知來處什麼劫中無祖師代云某甲今年不著便或云寸草不生不學禪不學道代云是什麼閑或云還有吞不盡句麼代云蛇師行次以柱杖打露柱一下云什麼處來自云西天來復云來這裏作什麼自云說佛法乃喝云欺我唐土人又以柱杖打一下便行却拈問僧汝道我意作麼生僧便問祇如師意作麼生代云不用行主又云師子咬人復問僧祇如當機合下得什麼語代云發又云百歲老兒作歌舞 一日云驀劄一句作麼

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

卷之三

生道代云因一事長一智或云大藏教將什麼辨代
云點一日云佛殿爲什麼不見僧堂代云痛或云
衲僧臭孔卽不問汝泥裏洗土塊道將一句來代云
但彈指又云衲僧臭孔又作麼生道代云覩山覩水
師或問僧作麼生是不寂句僧無對師云汝問我與
汝道僧便問作麼生是不寂句師云啞代前語云不
可向鬼窟裏作活計又云作麼生是啞代云會此意
又云文殊五字或云作麼生是入鄉隨俗底句代云
君子可八一日云作麼生是提綱一句代云雪峰
南趙州北一日云靈苗不動根過在什麼處代云

悞却多少人或云一顆圓光明已久作麼生是一顆
圓光代云謝和尚重重相爲師或云作麼生是對明
一句代云露師或云非色非聲體上明得是第幾機
代云不可向野狐窟裏作活計一日云布幔天網
打龍布絲網榜蝦撲蜆你道螺蚌落在什麼處代云
具眼師因卸却七條語僧云汝道來生莫不會佛法
麼僧無語代云和尚幸是大人又云某甲不敢道復
云爲什麼不敢道又云自有和尚在師歲夜問僧餅
餃是羅漢藥石還將得餌餳餔子來麼僧無對代云
今日東風起師或云你若不相當且向古人建化門

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

換述

卷之三

三

中道將一句來若道不得向異處道將一句來作麼
生道代云前來猶是可一日云遠卽照近卽明作
麼生道代云入水始見長人又云更不要也師或拈
拄杖云且向這裏會也有利益也無利益總不會顛
預佛性罷侗真如代云足上不足足下有餘一日
云萬法從什麼處起代云不可向和尚道蝦蟆口裏
也因齋時聞鼓聲云古人道一切聲是佛聲喚作佛
聲喚作鼓聲代云和尚道了也又云和尚不宜喫麪
因見僧來參師打露柱一下云來這裏瞞我代云但
打露柱一樞云爲人自安一日云至道無難唯嫌

揀擇作麼生是不揀擇又云如來妙色身羅羅李代
云不出代前語云古人道了也因齋時打帳座一下
云這箇喫又打飯床一下云這箇不喫代云一槌兩
當因搬米問僧人擔米米擔人代云總得又云搬米
辛苦猶是可又問僧大橋有多少米僧云七十碩師
拈起拄杖云七十碩米一時在拄杖頭上擔將來卽
得若擔不得餓殺你代云不可爲小小一日云有
所說野干鳴無所說師子吼我與麼是野干鳴作麼
生是師子吼代云九九八十一師或云埋沒兩字不
用道著代云深領和尚慈悲又云因某甲所置師或

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

云善財入門也作麼生道得出去代云朝遊羅浮師
或云餉餅從你橫咬鑿咬不離這裏道將一句來代
云今日新麪一日云有賞有罰道將一句來代云
遇賤卽貴天晴日出或云龍潛師溺起自何來作麼
生是不活底句代云有什麼難辨一日云敲磕一
句作麼生道代云驢生駝驅馬生驃或云作麼生得
道斷商量代云來年更有新條在惱亂春風卒未休
一日云辨得親疎爲什麼被親疎所使代云阿誰
置得或云古人道會卽途中受用不會卽世諦流布
完圖道將一句來代云一錢兩箇二錢三箇一日

云一句道將來代云足上不足因夏末問僧初秋夏
末不觸平常道將一句來代云初三十一中九下七
師問僧通身是水阿誰喫代云洎與和尚作笑具
一日云三日不相見不得作舊時看作麼生代云千
勘辨

師見新到云雪峰和尚道開却路達磨來也我問你
作麼生僧云築著和尚臭孔師云地神惡發把須彌
山一摶跨跳上梵天拶破帝釋臭孔你爲什麼向日
本國裏藏身僧云和尚莫瞞人好師云築著老僧臭
孔又作麼生僧無對師云將知你祇是學語之流代

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

無語處云和尚祇恐某甲不實又云邇邇哩問新
到你是甚處人僧云新羅入師云將什麼過海僧云
草賊大敗師云你爲什麼在我手裏僧云恰是師云
跨跳僧無對師代前語云常得此便又云一任跨跳
問新到你在南嶽山借我二百錢爲什麼不還僧
無對代云今日小出大遇又云今日不著便問僧
心法雙忘是第幾座僧云第二座師云作麼生是第
一座僧云不敢虧於和尚師不肯代云韶州糴米
問僧什麼處來僧云摘茶來師云人摘茶茶摘人僧
無對代云和尚道了某甲不可更道師問僧你是

修造那云是師云盡乾坤是箇屋作麼生是屋主僧
無對師云你問我與汝道僧便問師云薨代前語云
瞞却多少人來師問僧汝是湖南出家那僧云是
師云識三門下金剛麼僧云不可更識也師云野狐
窟裏出頭僧無對代云若不出頭代初問處云祇是
箇泥人又云識得這泥人有甚用處又云念某甲新
入衆師問僧甚處來僧云禮塔來師云祖師道什
麼僧云和尚道什麼師云將謂是箇靈利漢僧無對
代云祇爲仁義道中師問僧甚處來僧提起衲衣
師云我問你甚處來僧云和尚爲什麼不領話師便

170123456789180123456789190123456789

撰述

打代云且喜代前語云和尚休得也未 僧辭師師
云你辭去那云是師云前頭江難過僧云一切臨時
師云蘇盧薩訶代前語云臨行不可無禮去也代後
語云太麤心又云近日世界不好 師問僧其處過
夏僧云和尚合知師云我卽知僧云且道某甲甚處
過夏師云老鼠孔裏出頭僧無對代云道著代前語
云便出去 僧辭師師云莫教敗闕僧云和尚有什
麼事但問師云草賊大敗僧無對代云敗也代前語
云不少 因普請搬米了坐次云近日不喲喝祇擔
得一斗米不如快脫去僧云和尚脫向甚處去師云
曇僧擬再問師云釘釘了代云灼然代前語云今日
搬米困又云尚近 師問僧還見燈籠麼僧云不可
更見也師云猢猻繫露柱代云深領和尚佛法深心
代前語云好事不如無 問僧近離甚處僧云查渡
師云踢破多少草鞋僧無對代云可惜草鞋又云不
虛踢破草鞋 師見飯頭云汝是飯頭麼云是師云
顆裏有幾米米裏有幾顆飯頭無對代云某甲瞻星
望月又云福利門中不得不作 師因齋次問僧你
是甚處人云淮南人又問一僧你是甚處人云京兆
人師拈起蒸餅云我也無可到你淮南人也無可到

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

你京兆人二僧無對師遂拈蒸餅捌轉云我惜你作
麼生又無對代云不是和尚惜代前語云普同供養
又云且留供養和尚問僧看甚經云已有人問了
師云你爲什麼在我脚下僧云恰是師云伏惟尚饗
代云蒼天蒼天又云將謂韶州無問僧看什麼經
云般若燈論師云西天金剛座上甚人說佛法僧云
和尚合知師云你夢見麼僧無語代云不獨某甲代
前語云跳出死蝦墓又云將謂西天無又云墮因
齊次問僧喫得幾箇餽餅僧云喫得四箇師云你爲
什麼臭孔裏祇有一莖毛僧無對師云脫空妄語代

前語云直須慎初又須護末因齊次問僧羹受飯
裏飯受羹裹過在什麼處道得別有商量僧無對代
云好羹好飯又云不可道和尚蝦蟆窟裏因僧辭
師師下座把僧手云著幾錢僧無對師云你問我僧
便問師云都不直半分錢代云有什麼信物送路將
來又云臨行因見龍藏字問僧龍藏出得箇什麼
僧無對師云你問我與你道僧便問師云出箇死蝦
蟆代云屎臭氣又云饅頭蒸餅因搬米次師以拄
杖打僧一下云這箇師僧不去搬米是不僧云搬米
入倉也師云搬米入倉了且置阿誰喫飯僧便出

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

標述

五家音義

卷九

自序

去師云脫空妄語漢又拈問僧作麼生免得不被主
家道得脫空妄語代云爲什麼壓良爲賤又云因一
事長一智代是不處云和尚著甚來由 師在僧堂
前問僧這箇鐘子是什麼物作僧無對師云你問我
僧便問師云衲僧作代但打鐘一下云摩訶般若波
羅蜜又云衆僧堂前 師問修造僧甚處來僧云山
上斫木來師云還斫得合盤麼僧云和尚放某甲過
卽道師云放你過作麼生道僧便禮拜師便打代云
某甲也渭麼又云可惜成功不毀又云斫 問僧甚
處來僧云搬柴來師云維那打鼓不搬柴作麼生僧
無對代云錯領又云可惜搬柴工夫又云和尚位處
當人某甲叅學又云纔施少許功勞 師問僧甚處
來云山下來師云有幾人僧云四人師豎起拄杖云
總在這裏僧無對代云抑已而已又云悞却多少人
問僧喫得幾箇餉餅云三箇師拈起餉餅云這箇
是第幾箇僧無對師云你問我僧便問師云不出代
云欺敵者亡 問僧甚處來僧云湖南來師云夏在
甚處僧云湖南師云開通寺在甚處僧云不會師云
叅堂去僧無對代云諾代初語云和尚遠問學人近
對又云纔始新到 師齋次問僧你道鉢盂裏多少

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

卷之三

水

白

飯僧無對代云野又云飽便休又云一杓兩杓 師見僧齋次問鉢盂匙筋拈向一邊把將餛飩來僧無對代云好羨好飯又云休 問僧看什麼經僧拈起經師云鬼窟裏出頭僧云和尚見箇什麼師云贓物見在僧無對代云仁義道中不合如此 問僧看什麼經僧云般若經師云經中道一切智智清淨是麼僧云是師云你眼爲什麼穿過石榴樹僧云古人何在師云古人卽知是你不知僧無對代云大有人不識勢 師問僧甚處來云嶺中來師云夏在甚處僧云招慶師云招慶有何言句僧近前應諾師云「不」成二不是僧無對師云灼然代云祇守是 師因齋次拈起餕餡謂僧云擬分一半與你又却不分僧云爲什麼不分師云爲你打野裡代云將食與人也不惡又云謝和尚供養又云和尚無端作麼 師因喫茶次云茶作麼生滋味僧云請和尚鑒師云鉢盂無底尋常事面上無臭笑殺人僧無對師云趁隊噇飯漢代云祇守是又代以茶便潑又云且待某甲點一椀茶 師問僧甚處過夏僧云和尚合知師云我卽知僧云且道某甲甚處過夏師云不消一劄代云更不消也 問僧看什麼經僧應諾師云因甚失却僧

170123456789180123456789190123456789

云某甲甚處失却師云自領出去代云同路又云和尚大人不合自作　問僧完闕餅角子卽不要你半截底把將來僧應諾師云這箇是完闕底把將來代云齋與不齋當來無礙又云檀越所修福　師問新到什麼處來僧云郴州師云夏在甚處僧云荆南分金師云分得多少僧展兩手師云這箇是瓦礫僧云和尚莫別有麼師云乾屎橛一任咬代云若不言瑕爭得玉轉　問僧看什麼經僧云瑜伽論師云爲甚義墮僧云什麼處義墮師云自領出去代云悔不先下手　問僧曾講百法論是不僧云是師云爲什麼

脫空妄語代云事不孤起又云著　因爲亡僧唱衣次問僧如今唱衣亡僧還向這裏麼代云勞煩大衆不能等候打徧槌去也　問僧甚處來僧云搬柴來師云搬得多少轉一宿覺僧云二十轉師云你爲什麼打落當門齒僧無對師便打云學語之流代云也知和尚佛法身心又代前語云搬柴早是辛苦　問僧看什麼經其僧却指傍僧云和尚問何不祇對師云露柱爲什麼倒退三千里僧云豈干他事師云學語之流代云洎合不識勢又代珍重便出又云著者非一　師在西京時問僧你是甚處人僧云于闐國

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

大師云還到西天麼僧云到師拈起柱杖云掣電之
 機不問你還到這裏麼僧云不會師呵呵大笑代云
 深領和尚降尊就卑又云將謂此土無又云勸問
 新到甚處來僧云某甲初心不會師云叅堂去代云諾又
 湖裏去僧云某甲初心不會師云叅堂去代云諾又
 云惑著多少人來又云和尚問觀音某甲對彌勒
 師齊次問僧半夜搬柴卽不問你齋時將什麼喫飯
 僧拈起鉢孟師以柱杖打落僧無語代云引又云兩
 片皮又云匙筋鉢孟手巾單子因喫茶次問僧你是
 柴頭不僧云是師云蘿蔔爲什麼不生根僧無對代
 云雨水多又云不解悅豫使人問僧你是甚人僧
 云知客師云客來將何祇待僧云隨家豐儉師云這
 箇是瓦碗竹筋客來將何祇待僧云謝和尚慈悲師
 云鰯跳不出斗僧無對師云你問我僧便問將何祇
 待師便打代初問處便打又云一盤飯兩椀茶又云
 貪觀天上月師問僧你是甚處出家僧云趙州孫
 師云師翁是甚處人代云喫飯老和尚師因見水
 磨題梁云永爲不朽後卽破損師問僧旣是永爲不

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

五言詩錄

卷三

朽爲什麼却被木推僧無對代云不因一事難長一
智又云堯舜之君猶稽于化 師問僧不惹泥水作
麼生道代云南山打鼓北山舞 因齊次問僧這裏
還有超佛越祖之談麼僧云有師云什麼處去也僧
無對代云新羅國裏又云和尚恐某甲不實代前語
云喫飯時不合與麼道 師問柴頭你爲什麼拽折
大梁鋸僧云無師云無卽休代云彼此又云平地又
云也知和尚爲頭首辛苦 師問僧甚處來僧云南
嶺來師云我此間不會與人葛藤近前來僧乃近前
師云去代云念學人遠來又云今日無彩 因僧在

師前立以柱杖打一下其僧迴首師展手云把錢來
僧無對代云若不轉頭爭知後事又云但驕面垂
因入厨問菜頭云鍋裡多少茄子僧無對師云你問
我與你道僧便問師云消不得代云一桶又代後語
云是 因普請歸三門下問僧困作什麼面目僧云
和尚合知師云我卽不知僧却問困作什麼面目師
拈柱杖云遇長卽長遇短卽短僧云未審困與麼道
和尚與麼道師云我也知你親僧無對代云爭知又
代前語云老少黃白 師問飯頭佛是千百億化身
你每日作飯一杓幾箇釋迦老子僧無對代云一僧

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

王家詩集

卷四

一升米又云今日齋飯較細 問僧甚處來僧云南華塔頭來師云祖師有什麼言句僧云有師云不得錯舉僧云請和尚領話師云我道你一不成二不是代云和尚大殺教令 問磨頭人打羅羅打人僧無對代云近來喫麵多又云客來須看賊來須打 問僧什麼處來僧云南華塔頭來師云還見祖師麼僧云用見作什麼師云你又去那裏作什麼僧云有什麼過師云旣去無過見有什麼過僧無對代云若不如是爭知慈悲 問僧甚處來僧云赴齋來師云將覲錢來僧云和尚欠少箇什麼師云你又欠少箇什麼僧云不欠少師云不欠少又赴齋作什麼僧無對代云何妨又云趁塊 問僧你是向北人僧云是師以一摶僧無對師云你問我僧却問和尚甚處人師又以一摶僧無對代前問處打一摶又代後云仁義道中 有僧粥後來見師師云喫粥了也未僧云了也師云咬著露柱麼僧云咬著師云看硬著你僧無對代云也知和尚恐人不實又云硬阿誰 師因開門有僧便入師驂胸擒住云有甚麼事僧云有什麼事師以一摶僧無對代云退已進於人爲存賓主禮代擒住處云驂面唾這野狐精又代云因學人置得

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

師指露柱問東京僧你鄉中還有這箇麼僧云有
師云喚作什麼僧云喚作露柱師云三家村裏老翁
也解與麼道僧無對代云本色 師見僧來乃舉起
拳作打勢僧近前作受勢師與一摑僧無對代云便
出去又云一彩兩賽又代云行因格禍又云謝重重
相爲 問僧甚處來僧云大普請搬柴來師云小普
請爲什麼不到僧無對代云依前又是大普請又云
辛苦受盡 問新到甚處來僧云不敢師云放你三
十棒僧無對代云某甲也濶麼又云可惜許七間法
堂 問僧甚處來云荆南來師云夏在什麼處僧云
分金師云有事相借問得麼僧云便請師云鵠子過
新羅僧無對代云是於借問處代云鵠子過新羅
師在僧堂內喫茶問設茶僧云什麼處安排僧指板
頭云在這裏師云你更設一堂茶始得僧無對代云
近日錢難得又云小財不去大財不來又云上閒下
板頭 問僧甚處來僧云郴州師云夏在什麼處僧
云西禪師云說什麼法僧展兩手垂兩邊師便打僧
云某甲話在師却展兩手僧無對師打趨出代云便
出去 問僧甚處來僧云南華禮塔來師云莫脫空
僧云實去來師云五戒不持僧無對代云彼此不出

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

無述一

五家真言金

九方

因齋次問僧孟裏幾餅餅裏幾孟僧拈起餅師云
問著箇老婆僧無對代云不消又於問處云大眾喫
飯次 師因普請入柴寮云老底不用去還有老底
麼僧云有師云在什麼處僧乃推出一僧師云這箇
猶是後生僧無對代云若與麼却普請去始得 師
因喫茶次云什麼人接盞子有僧便接師云村裏老
翁拜冬至僧無對代云祇爲行仁義却招禍及身

有僧來參師問曾聽講來麼僧云是師云見說有唯
識論是不僧云是師云非非想天說箇什麼僧云不
會師云且念文書代云禪師愛欺座主又云吽啜又
云維摩頭法華尾 有僧辭師師云甚處去僧云湖
南去師云前頭津鋪難過僧云某甲有隨身公驗師
云這箇是念上大人僧無對代云小小村鎮不足可
言又云和尚大殺代前語云便珍重出去 師問新
到云把將公驗來僧云有人問了也師云由是念上
大人僧云莫錯師云草賊大敗僧無對代前語云且
存仁義代後語云大似村鎮頭又云久嚮 問僧一
切聲是佛聲一切色是佛色枯却了也與我道僧云
枯却了也師云與麼說驢年會麼僧無對代云君子
一言代初語云狂又云不存少許佛法身心 問僧

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

甚處來僧云摘茶來師云摘得幾箇達磨代云新茶宜少喫又云因摘春茶不廢功力因僧辭師師云甚處去僧云虔上去師云打野裡漢代云珍重又云臨行因曬麥問僧曬了也未僧云了也師云饅頭少喫又云三事蒸作餽餅糖餅問僧看什麼經云顯揚聖教論師云適來一問爲什麼照不著僧云什麼處照不著師云夢見顯揚聖教麼代云若不如是爭見當人又云照不著師問看經僧表首是什麼字僧枯起經師云我也有僧云和尚既有爲什麼却

問師云爭奈與麼何僧云有什麼過師云自屎不覺臭代云今日方知又云德山拄杖子胡狗又云和尚此問大殺靈利鼓山有小師久在崇壽却歸嶺中到保福處相看保福知來却入帳子內衲衣蓋頭坐僧云和尚出汗那不對有僧舉似師師云見成公案不能折合代云鈍置殺人又云草賊大敗師問僧看什麼經僧云呪師云與麼語話未有主在僧云和尚莫錯師云自領出去代云便出去問僧我有箇不露鋒骨底句作麼生有長老云收師云與麼道得一半代云深領和尚慈悲又云句你又云洎不別處

因修藏問僧作麼生是藏僧應諾師云這箇是藏
腳還我藏來僧無對代云爭得不修藏又云王問
新到甚處過夏云雲蓋師云多少人僧云七十人師
云你爲什麼不在數代云新到分上未受與麼又云
恐久住瞋問僧甚處來僧云郴州師云你爲甚麼
失脚代云魯般門下美大斧又云客是主人相問
僧甚處來云查渡師云你爲什麼蓋不著僧云和尚
莫塗糊某甲師云鰯跳不出斗代云新到便蒙和尚
重重嚴飾又云見面問僧古人道無邊利境自他
不隔於毫端新羅日本與這裏作麼生云不別師云
入地獄代云不可作地獄見解又云爭得玉歸問
僧你不得鈍置我僧云和尚因什麼到與麼地師云
我鈍置你猶可你鈍置我更殺代云事不孤起又云
和尚也大無端又云某甲甚處不下馬問僧你諸
人行脚道我知有與我拈三千大千世界來眼睫上
著僧云諾師云錢塘爲什麼去國三千里僧云豈干
他事師云這掠虛漢代云和尚倚勢欺人又云常得
此便問僧甚處來僧云南華塔頭來師云還見祖
師麼僧云南華橋折師云南嶽石橋又作麼生僧無
對師云學語之流代云便出去又云上也問僧甚

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

處來僧云涅槃堂裏來師云亡僧還喫飯麼僧云不
喫師云活人還喫飯麼僧無對代云一杓兩杓又云
欠他一箇餉餅也不得又云也能抵對 師問僧講
律來是麼僧云是師云律鈔中說大小乘無分別作
麼生是無分別僧無對代云靈樹置將一句來 師
問僧法身還喫飯麼僧云諸方老宿不肯法身無形
無相作麼生喫師云與麼道夢見法身麼僧云有不
肯處作麼生師云自不知乃云法身喫飯又代云將
謂有衲僧孔竅猶是潑屎潑尿復云灼然百千人中
未有一人到此境界自云和尚作麼生代云咄這有

頭無尾漢 師問僧三藏聖教古今老和尚憑箇什
麼照僧云高也著低也著師云你與麼不得代云得
與麼狼籍生 因鑄鐘歸山齋了請師打鐘師打了
大眾打師問僧打鐘圖甚麼僧云喚和尚喫飯師不
肯代云譬如閑又云息苦停酸 師入京朝覲歸至
大橋山門煎茶迎師師喫茶菓次僧侍立師語二參
隨僧云是你京中無可喫乃拈一楪菓子與一僧其
僧接得便去又語一僧云我不與你僧無對師云那
裏也有也其僧又無對別有僧出云某甲今日也隨
和尚來請一分得麼師云嗄僧云某甲罪過觸忤和

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

尚師云我不能睡得你僧無對代前語云也知菓子少兩人共一楪又云未到山便蒙和尚管顧代後語云某甲更是師歸山受大衆參了乃云我離山得六十七日問你六十七日事作麼生衆無對代云和尚京中歸無信物又云和尚京中喫麵多因數僧來參師問作什麼來云搬柴來師云歸向北去不得辜負老僧僧無對師復云來來三愚共成一智作麼生代云一畝地代前語云不因一事不長一智因齊次云今日喫飯不得遷化去也排比唱衣僧無對師復云你問我僧便問將什麼唱師云驢年摸著麼

又云我與你三家村裏葛藤更問僧又問師擎起椀云這箇是定州椀子一唱三十文代前語云錢是足陌因齋次問僧你道人喫飯飯喫人僧無對師云你問我與你道僧乃問師云謝你答話代前語云不因喫飯難得此言因僧隨師出三門師問古人道大用現前不存軌則作麼生是不存軌則僧無對復云你問我與你道僧便問師引聲云釋迦老子來也僧又無對師遂行數步以拄杖打松樹一下云嘎嘎會麼僧云不會師云你與麼驢年會麼代前語云多華樹嘲無半子代後語云由是師因見僧量米乃

170123456789180123456789190123456789

問籠裏多少達磨僧無對師云你問我僧便問師云
斗量不盡代云因一事長一智又代趕却米籠便行
因園頭請師喫茶師云你若煎茶我有箇報答你
處園頭無對師云汝問我與汝道園頭云請師報答
師云多著水少著米代云得人一牛還人一馬又云
金字茶六百錢一斤 師因齋次拈起蒸餅云我這
箇祇供養向北人是你諸人總不得時有僧問某甲
爲什麼不得師云鈍置殺人代云某甲猶可代前語
云雨彩一賽 問僧古人道直須一句下悟去作麼
生僧云直須一句下悟去師云你爲什麼臭孔裏祇

對我僧云某甲什麼處是臭孔裏祇對師云夢見代
云某甲慎初和尚護末又云南柯又云少喫又云戒
文一切總不犯 師問侍者客來將什麼接待侍者
無對代云和尚要拄杖卽道 因歲日在堂中點茶
師問僧設羅漢齊得生天福你得飯喫僧無對師云
你問我與你道僧便問爲什麼與麼道師云先來不
著便如今著屎潑代前語云非唯施主某甲也蒙
因聞鼓聲問僧打鼓爲什麼人僧無語師云你問我
僧便問師云打鼓爲三軍不爲你代云柴不辨 師
坐次有僧非時上來師云作什麼僧云請益師云你

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

有什麼疑僧云某甲會問和尚一宿覺搬柴柴搬一宿覺師乃敲椅子三下云你作麼生會僧云一切臨時師乃擅拳云我共你相撲一交得麼僧無對次日其僧再上值師漱盥次師乃將水椀過與僧云送去厨下著其僧送去了却來師見來乃從後門出去其僧云比來請益却得一口椀 問僧作麼生是打靜一句僧云誰敢出頭師云你問我僧便問師以拄杖劃地一下 問僧將什麼轉大藏教僧云莫越於此師云拈却菩提換却涅槃又作麼生僧云今日七明日八師云依稀似佛莽鹵如僧 因僧請喫湯次師

云作麼生僧無對師云你問我僧便問師以湯滴云一滴落地萬神俱醉會麼僧云不會師云不會卽禮拜著 因見僧商量次師打牀一下僧默然師云作麼生是打靜一句僧云出頭卽俗應師云三十年後不得錯舉 因供養羅漢問僧今夜供養羅漢你道羅漢還來也無僧無對師云你問我與你道僧便問師云換水添香僧云與麼卽來也師云有什麼饅頭饅子速下來 師拈柱杖問僧這箇是什麼僧云柱杖子師云入地獄 師見僧乃召來來僧便來師云蒼天蒼天僧無語師云蒼天本是你哭爲什麼却我

170123456789180123456789190123456789

哭 因入菜園見糞堆上牌子問僧道什麼僧無對
 師云你問我僧便問師云恐人無信 問修造庵主
 云佛殿拆了也忽然施主來將何瞻敬菴主合掌師
 云奴見婢殷勤 因聞蚊子叫問僧蚊子吞却祖師
 也僧云非蚊子吞祖師祖師亦吞蚊子師不肯乃云
 你問我僧便問師云何怪香林云爲渠有分 師問
 洞山聰近離甚處洞山云夏在甚處洞山
 云湖南報慈師云甚時離彼洞山云去年八月師云
 放你三頑棒洞山至來日却上問訊云昨日蒙和尚
 放三頑棒不知過在什麼處師云飯袋子江西湖南
 便潛麼去洞山於言下大悟遂云某甲自今已後向
 無入煙處卓箇草菴不蓄一粒米不種一莖菜接待
 十方往來知識與他出却釘去却楔除却臘脂帽子
 脫却禮臭布衫教伊灑灑地作箇衲僧豈不俊哉師
 云飯袋子身如柳兒大開與麼大口 問僧佛法還
 有長短也無僧云這簾子長五尺師云這箇是簾子
 那箇是佛法僧云喚什麼作簾子師云脫空妄語漢
 因一日齋晚僧看厨庫而立師見乃打一棒僧回
 首師云文殊普賢香積世界去也 問僧看什麼經
 僧云般若經師云作麼生是清淨僧云共和尚商量

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

了師云驢年夢見又云來來更共你葛藤蚊帳裏藏
身東海鯉魚跨跳上三十三天作麼生僧云和尚與
麼道卽得師云這虛頭漢問僧看什麼經僧云般
若經師云作麼生是清淨僧云甚處不清淨師云繩
牀入枇杷樹裏去也見麼僧云和尚莫瞞人師云瞞
人且置你道我作麼生僧無對師云這掠虛漢師
因見僧在殿角立次乃拍手一下云佛殿露柱走入
厨庫去也僧回首看師云見你不會却來祇候佛殿
因僧侍立次師云不問有言不問無言你作麼生
道僧無語師云你問我僧便問師喚小師某甲小師

應諾師云你又得箇師弟也師問僧今日搬柴那
僧云是師云古人道不見一法是你眼睛乃於搬柴
處拋下一片柴云一大藏教祇說這箇師於普請
處謂衆云今日因有解問話底置將一問來若不問
向後臭孔遼天莫道我瞞你師問僧轉金剛經那
云是師云一切法卽非一切法是名一切法乃拈扇
子云喚作扇子是名拈了也在什麼處從朝至暮顛
倒妄想作麼因喫茶次問僧色香味觸具四塵你
道茶具幾塵僧無語師云不得辜負我師因見僧
看經乃云看經須具看經眼燈籠露柱一大藏教無

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

欠少拈起拄杖云一大藏教總在拄杖頭上何處見
有一點來展開去也如是我聞十方國土廓周沙界
師問僧從苗辨地因語識人作麼生僧云不錯師
云不敢因僧設齋師云你是甚處人僧云某處人
師云報典座與阿師設齋師因喫茶次問僧曹溪
路上還有俗談也無僧云請和尚喫茶師云靜處薩
婆訶師問僧餽餅是什麼人做僧拈起餽餅師云
這箇且放一邊長連牀上學得來餽餅是甚人做僧
云和尚莫瞞某甲好師云這虛頭漢師行次一僧
隨後行師豎起拳云如許大栗子喫得幾箇僧云和
尚莫錯師云是你錯僧云莫壓良爲賤師云靜處薩
婆訶師問直歲今日作甚來直歲云刈茅來師云
刈得幾箇祖師直歲云三百箇師云朝打三千暮打
八百東家杓柄長西家杓柄短作麼生直歲無語師
以柱杖打趁因僧齊歸師問齋主有什麼供養僧
豎起拳師云我這裏問你卽恁麼僧堂前有人問你
作麼生道僧云一切臨時師云學語之流師問僧
你作什麼僧云涅槃頭師云還有不病者麼僧云不
會師云恁麼不會不恁麼不會僧無語師云汝问我
僧便問作麼生是不病者師指傍僧有南雄僧上

170123456789180123456789190123456789

白鼈一段師云汝道我向什麼處著僧無語師代云
拄杖頭上師却問傍僧你在南雄時識此僧麼僧云
識師云喚去茶堂內喫茶 師問僧不占田地句作
麼生道僧云不會師云不會且作韶州客 師問僧
喫得幾箇餽餅僧云忘却師云喫了忘却未喫忘却
僧云忘却說什麼喫與未喫師云是你忘却甚處得
來 師問僧你從向北來還曾遊臺麼僧云是師云
關西湖南還曾見長嘴鳥說禪麼僧云不見師拈起
拄杖以口作吹勢引聲云禪禪 師問僧甚處過夏
僧云和尚實問卽道師云作賊人心虛 舉臨濟三

句語問塔主祇如塔中和尚得第幾句塔主無語師
云你問我塔主便問師云不快卽道塔主云作麼生
是不快卽道師云一不成二不是 師一日從方丈
出有僧過拄杖與師師接得却過與僧僧無語師云
我今日著便僧云和尚爲什麼著便師云我拾得口
喫飯 師問僧甚處來僧云崇壽來師云崇壽有何
言句僧云崇壽指癡子謂衆云識得癡子周巾有餘
師云我卽不與麼僧云和尚又如何師云識得癡子
天地懸殊 師問堂中首座云你道乾坤大地與汝
自己洞別首座云同師云一切物命蛾蝶蟻子與你

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

自己同別首座云同師云你爲什麼干戈相待 因在醋寮內指云這一甕醋得與麼滿那一甕醋得與麼淺僧云人貧智短馬瘦毛長師大笑而出 問座主講什麼經座主云涅槃經師云涅槃具四德是不座主云是師拈起椀子云這箇具幾德座主云一德也無師云古人因甚與麼道座主云古人與麼道如何師敲椀子云會麼座主云不會師云且講經著因齋次有僧侍立師云你還飽也未僧無語師拈杖云柱杖却飽

十二時歌

夜半子愚夫說相似 雞鳴丑癡人捧龜首 平旦寅曉何人 日出卯韓情枯骨咬 食時辰歷歷明機是悞真 禹中巳去來南北子 日南午認向途中苦日昧未夏逢說寒氣 晝時申張三李四會言真日入酉恒機何得守 黃昏戌看見時光誰受屈人定亥直得分明沉苦海

偈頌

雲門聳剔白雲低水急遊魚不敢樓入戶已知來見解何勞更舉轢中泥
藥病相治學路醫扶籬摸壁小兒戲幽谷不語誰人

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

五言詩錄

測管解師承孰不知
康氏圓形滯不明魔深虛喪擊寒冰鳳羽展時超碧
漢晉鋒八博擬何憑
是機是對對機迷闢機機遠遠機棲夕日日中誰有
挂因底底事隔情迷
太陽溢目極玄微誰人說道我渠非句中有路人皆
響覩面難遭第一機
卯歲依山人事稀松下相逢話道奇鋒前一句超調
御擬問如何歷劫違

異羽張騰漢碧霄低
萬象森羅極細微素話當人却道非相逢相見呵呵
笑顧佇停機復是誰

話盡途中事言多何省機貴人言是妙上士見知虧
大道何曾討無端入荒草卷來復卷去不覺虛生老
上不見天下不見地塞却咽喉何處出氣笑我者多
晒我者少

喪時光藤林荒圖人意滯肌冠

舉不顧卽差互擬思量何劫悟
咄咄咄力韋希禪子訝中眉垂

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

大師遺表

伏聞有限色身詎免榮枯之歎無形實相孰云遷變
之期旣風燈炬焰難畱在水月空華何適罔避典彝
之咎將陳委蛻之詞臣中謝伏念臣跡本寒微生從
草莽爰自髫亂切慕空門潔誠誓屏於他緣銳志唯
探於內典其或忘餐待問立雪求知困風霜於十七
年間涉南北於數千里外始見心猿罷跳意馬休馳
身隈韶石之雲頭變楚山之雪以至榮逢景運屢沐
天波詰道談空誓答乾坤之德開蒙發滯星馳雲水
之徒獲揚利益之因迥自聖明之澤加以聯叨鳳詔

累對龍庭繼奉頒宣重疊慶賜撫躬惆悵殞命何酬
不謂臣駕馬年衰難勝睿渥遽縈淪於疲瘵唯待盡
於朝昏星漢程遙遐眇而纔瞻北極波濤去速廻眸
而已逐東流伏願鳳曆長春扇皇風於拂石之劫龍
圖永固齊壽考於芥子之城臣限餘景無時微躬將
謝不獲奔辭丹闕祝別形庭臣無任瞻天戀聖激切
屏營之至謹奉表以聞

遺誠

夫先德順化未有不留遺誠至若世尊將般涅槃亦
遺教敕吾雖無先聖人之德旣忝育衆一方殆盡不

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

可默而無示吾自居靈樹及徙當山凡三十餘載每以祖道寅夕激勵汝等或有言句布在耳目具眼者知切須保任吾今已衰邁大數將絕剎那遷易頃息待盡然淪溺生死幾經如是非獨于今矣吾自住持已來甚煩汝等輔贊之勞但自知媿耳吾滅後置吾於方丈中上或賜塔額祇懸於方丈勿別營作不得哭泣孝服廣備祭祀等是吾切意益出家者本務超越母得同俗其住持等事皆仍舊貫接諸來者無失常則諸徒弟等仰從長行訓誨凡係山門莊業什物等並盡克本院支用勿互移屬他寺教有明旨東西廊物尚不應以互用汝當知矣或能遵行吾誠則可使佛法流通天神攝衛不負四恩有益於世或違此者非吾眷屬勉旃勉旃大期將迫臨行畧示遺誠努力努力好住還會麼若不會佛有明教依而行之



170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

2
B. 4. 1